

Stéttabaráttan

MÁLGAGN KOMMÚNISTA FLOKKS ÍSLANDS M-L

18. tbl. 5. árg. 1976

Verð:
100 Kr.

Ritstjórn STÉTTABARÁTT-UNNAR beinir því til þeirra áskrifenda sem enn hafa ekki greitt gjaldfallnar áskriftir að greiða þær hið fyrsta. Traustur fjárhagur er megin forsenda þess að við getum stigið það skref að gera blaðið að vikublaði. Greiðið inn á póstgíro 27810. Útgáfudagur næsta blaðs er 3/11 1976, og handrit verða að hafa borist til ritstjórnar fyrir 28/10.

ritstj.

ISLAND ÚR NATO
HERINN BURT!

Helgina 16-17 október verður landsráðstefna herstöðvaandstæðinga. Fyrir ráðstefnunni liggur að stofna landssamtök herstöðvaandstæðinga. Þessi ráðstefna er lokapunkturinn fyrir aftan eins árs starfs sem hófst með ráðstefnunni í Stapa í fyrra. Undirbúningurinn að þessarri landsráðstefnu hefur staðið lengi, og í hópum herstöðvaandstæðinga í íbúðahverfum höfuðborgarinnar og út um land hafa hornsteinar nýrrar stefnuskrár verið ræddar. Þá hafa verið haldnir fundir víða um land á vegum miðnefndar, þar sem starfið hefur verið kynnt, flutt fram-sækin skemmtiatriði, og fólk brýnt í baráttunni.

Fjölmennustu aðgerðir miðnefndar síðasta árið voru keflavíkurgangan 15. maí, en 10-15 þúsund manns tóku þátt í henni. Málstað herstöðvaandstæðinga vex greinilega fylgi dag frá degi, og æ fleiri taka þátt í baráttunni. Það sem liggur fyrir landsráðstefnunni nú er í fyrsta lagi stofnun nýrra samtaka og í öðru lagi samþykkt stefnuskrár og reglugerðar, og í þriðja lagi skipulagning áróðurs og útbreiðslustarfsins framundan. Það sem Kommúnistaflokkur Íslands m-l leggur höfuðáherslu á í nýjum landssamtökum herstöðvaandstæðinga er að samtökin verði byggð á einstaklingsaðild, og verði þannig

virk liðsmannasamtök með föstu skipulagi. Komið verði á fót deildum herstöðvaandstæðinga sem víðast um landið. Reglugerðin verður að taka mið af því að stjórn samtakanna sé í höndum þeirra sem starfa innan eininga samtakanna. Kommúnistaflokkur Íslands m-l leggur á það áherslu að í stefnu skrá samtakanna sé kveðið á um baráttu gegn allri heimsvaldastefnu. Baráttan gegn bandarísku heimsvaldastefnunni má ekki leiða af sér grand varaleysi gagn vart annarri heimsvaldastefnu, sérstaklega ekki gagnvart sósíalheimsvaldastefnu Sovétríkjanna. Stefnuskráin verður að kveða

skýrt á um að baráttan á Íslandi er liður í baráttu alþýðu heimsins gegn heimsvaldastefnunni, hernaðarbandalögum heimsvaldasinna og gegn stríðsundirbúningi risaveldanna. Kommúnistaflokkur Íslands m-l hvetur íslenska alþýðu til að taka þátt í starfi samtaka herstöðvaandstæðinga og gera þau að sterku afli í baráttunni fyrir verndun sjálfsforræðis Íslands, gegn stríðsundirbúningi risaveldanna, og gegn allri heimsvaldastefnu. Ísland út Nato-Herinn burt. Gegn hernaðarbandalögum heimsvaldastefnunar.

STJÓRNMÁLA
ÁLYKTUN 2.
LANDSFUNDAR
KFÍ/ML

BLS.2

GEGN
SKATTPÍNINGU
OG
SKATTSVIKUM

BLS.3

VIÐTÖL
VIÐ SJÓMENN

BLS.4

VIÐTAL
VIÐ LILJU
KRISTJÁNSD.

BLS.7

UM BARÁTTU
NÁMSMANNA

BLS.6

STRÍÐS
ÆSINGAR
USA Í KÓREU

BLS.8

Gerist áskrifendur
að
STÉTTABARÁTTUNNI

Gerist áskrifendur
að
RAUÐA FÁNANUM

Baráttan sjómanna:

Hrindum bráðabirgðalögunum gegn sjómönnum

Í síðasta tbl. Stb. var birt harðort mótmælalæsi frá skipshöfn af Snæfellsnesi við 6. sept. lögum ríkisstjórnarinnar. Gremja sjómanna, sem bréfið bar greinileg merki um, hefur valdið því að þeir hafa nú hafið undirskriftasöfnun meðal sjómanna og landverkafólks gegn bráðabirgðalögunum. En sjómenn láta sér ekki nægja að safna undirskriftum heldur hafa þeir þegar hafið róðrarstöðvun línubáta á Vestfjörðum og sjómenn annars staðar hugsa sér til hreyfings. Þannig má heita öruggt að ef fiskverð hækkar ekki núna um a. m. k. 25-35% þá verður um algjört róðrarstöpp að ræða umhverfis landið.

Vestfirðir


Allir línusjómenn á Vestfjörðum neituðu að skrá sig á bátana eftir að bráðabirgðalögin lækkuðu skiptapróséntuna úr ca. 33% og niður í 28,2%. Lækkun skiptapróséntunnar átti því að bæta ofan á minnkandi fiskgengd, sem hefur valdið fækkun báta og minni afla á bát, og fátánlega lágt fiskverð. Útgerðarmenn á Suðureyri og tveggja báta frá Patreksfirði hafa boðið 30% skiptaprósentu

og er það álit allra línusjómanna að rétt hafi verið að ganga að því tilboði (samþykkt á almennum fundi sjómanna á Vestfj.). Það er að vissuleyti sigur að tekist hefur að knýja nokkra útgerðarmenn til að bjóða betur en forystuklíkan í LÍU setur sem hámark (þ. e. 29,2%). Það er athyglisvert hvernig einn af "fulltrúum" útgerðarinnar, Matthías Bjarna-

son, skýrir þau 0,8% sem munar á tilboðum LÍU og útgerðarmannanna á Suðureyri og Patreksfirði. Hann segir í viðtali við Morgunblaðið 30. sept. síðastliðinn, "að sér væri einnig kunnugt um að útgerðin myndi ekki greiða þessi 0,8% heldur yrðu fiskkaupendur látnir bera þau". Kemur það auðvitað út á eitt fyrir sjómanninn." (undir-

strikun Stb).

Hér viðurkennir sjávarútvegsráðherra og þingmaður vestfirðinga, Matthías Bjarnason, það að stórum fjárfúlgum sé stolið af sjómönnum undan skiptum. Hann segir hreint út að útgerðin semji við fiskkaupendur um það hversu stór hluti raunverulegs fiskverðs fari yfir borðið (til skipta milli sjómanna og útgerðar) og hve mikið undir borðið. Svo fullyrðir hann að það komi sjómönnum ekkert við hve miklu af þeim sé stolið. Sjómenn hafa horft upp á það undanfarnar ár hvernig útgerðin verður æ háðari fiskkaupendum sem stöðugt yfirtaka fleiri þætti útgerðarkostnaðar ss. veiðarfærakostnað, ískaup, hafnar- og löndunargjöld og fleira. Enda er ástandið orðið þannig að stór hlut félaga í LÍU eru fiskkaupendur. Yfirlýsing sem þessi sýnir glögglega að þríeykið, útgerðin, fiskkaupendur og ríkisvaldið, ráðskast að vild sinni með afkomu sjómanna. Sú spurning vaknar hvort það þjóni yfirhöfuð nokkrum tilgangi fyrir sjómenn að taka þátt í Verðlagsráði. Þar mæta jú fulltrúar fiskkaupenda, fiskseljenda (þ. e. LÍU og sjómanna) auk oddamanns frá Framh. bls. 4.



STÉTTABARÁTTAN

VIKUBLAÐ

FRÁ ÁRAMÓTUM!

- SJÁ GREIN BLS.4

Stéttabaráttan

STÉTTABARÁTTAN 18 tbl.
5. árg. 14 okt. 1976

Utg.: Kommúnistaflokkur Íslands m-l.
STÉTTABARÁTTAN kemur út hálfsmánaðarlega.
Póstfang: Pósthólf 1357, Rvkf.
Sfmi: 278 10.
Ritstj. & ábm: Ólafur Ingólfsson
Gíró: 27810

HVERNIG KEMST ÞU Í SAM-
BAND VIÐ KOMMÚNISTA-
FLOKK ÍSLANDS/ML?

Miðstjórn: Pósthólf 1357
Reykjavík, einnig í síma 27810.
Ritstjórnir Stéttabaráttunnar
og Rauða fánans: Pósthólf
1357, Rvkf, einnig í síma 27810

Reykjavíkurdeld: Lindargötu
15, sími: 27810.

Akureyrardeild: Guðvarður
M. Gunnlaugsson, Helga-
magrastræti 23, einnig póst-
hólf 650, Akureyri.
Suðurnesjadeild: Jónas H.
Jónsson, Holtsgötu 26 Njarð-
vík, sími: 2641.
Hafnarfjörður: Fjola Rögn-
valdsdóttir, Vitastíg 3.
Neskaupsstaður: Stuðnings-
deild KFI/ML, c/o Messiana
Tómasdóttir, Þiljuvöllum 38.
Snæfellsnes: Sigfús Almars-
son, Skólabraut 10, Hellis-
sandi.

Hvar geturðu keypt Stéttabar-
áttuna?

SUÐURLAND:
Reykjavík: Rauða stjarnan,
Lindargötu 15.

SUÐURNES: Hrólfur B
Agústsson, Háaleiti 5,
Keflavík.

HAFNARFJÖRÐUR: Fjola
Rögnvaldsdóttir, Vitastíg 3.

VESTURLAND:
HELLISSANDUR: Sigfús Al-
marsson, Skólabraut 10.

OLA FSVÍK: Jón Guðmunds-
son, Ólafsbraut 20.

ÍSAFJÖRÐUR: Kristinn
Karlsson, Fjarðarstræti 7.

NORÐURLAND:

Akureyri: Guðvarður Gunn-
laugsson, Helgamagrastræti 23
Siglufjörður: Söluturnin við
Aðalgötu.
Húsavík: Þórarinn Ólafsson,
Sölbrekku 5.

AUSTURLAND:

NESKAUPSSTAÐUR:
Stuðningsdeild KFI/ML, c/o
Messiana Tómasdóttir, Þilju-
völlum 38.

Íslendingar erlendis.

Nú getið þið keypt Stéttabar-
áttuna hjá umboðsmönnum okkar
í nokkrum borgum á norður-
löndum.

NOREGUR:

Oslo: Katrín H. Andrésdóttir,
Sogn Studentby 1310, Oslo 8.

SVÍÐJÖÐ:

SOLNA: Magnús Sæmundsson,
Kungshamra 23a, 17170, Solna.

LUNDUR: Jón Rúnar Sveinsson,
Kamnarvågen 5 D: 218
222 46 Lund.

DANMÖRK:

ÁRHUS: Magnús Þorgrímsson,
Børgrum Kollegiet v 444,
Børgrumsvej 2, 8240 Risskov.

um land allt, félög þeirra eru
mörg (t.d. í Reykjavík) í
höndum óþrúttinna svikara og
þeir hafa litla möguleika á að
tengja baráttu sína í eina heild.
Því ber mikla nauðsyn til, að
styðja baráttu sjómanna á allan
hátt, aðstoða þá eftir megni við
útgáfu eigin málagns sem gæti
myndað tengslin milli þeirra og
vinna stöðugt að samstöðu land-
verkalýðsins með málstað sjómanna
Verkefni flokksins eru að byggja
upp víðtæka samfylkingu á grund-
velli stéttabaráttunnar, sem
beinist gegn árásum borgarastét-
tarinnar og fyrirhuguðum breyting

Alyktun II. landsfundar miðstjórnar KFI/ML

Það sem öðru fremur einkenn-
ir stjórn málaástandið í dag,
er að í kjölfar kreppu auð-
valdsins, ræðst það gegn kjör-
um og réttindum verkalýðs og
vinnandi alþýðu, í því skyni
að vernda gróða sinn. Vinn-
andi alþýða landsins verður að
þola óðaverðbólgu og kjara-
skerðingar á sama tíma og at-
vinnurekendur raka saman
milljónagróða.

Forsendur síðustu kjara-
samninga eru löngu brostnar
og skattaálgötur á verkalýð
hafa verið auknar um tæplega
50% frá fyrra ári. Á sama
tíma er fjöldi stórfyrirtækja og
auðmanna með öllu skattlaus.
Í ár má ætla að fyrirtæki
svíki undan skatti rúmlega 7
milljarða króna, en sú upphæð
losar rúmlega upphæð tekju-
skatts allra einstaklinga í land-
inu.

Allskyns brask og spilling
auðstéttanna hefur verið af-
hjúpuð undanfarnar vikur og
mánuði, og það hefur orðið
æ ljósara hverjum alþýðu-
manni, að auðvaldsþjóðfélagið
er þjóðfélag arðráns og mis-
réttis þar sem ríkisvaldið er
ekki annað en tæki í höndum
auðherranna til árása á verka-
lýðinn. Þetta sýnir sig greini-
lega í bráðabirgðalögunum
gegn sjómönnum, þar sem sjó-
menn eru með lagasetningu
þvingaðir til að vinna á óviðun-
andi kjörum og þeir sviptir
samningsrétti um kaup og kjör.
Með bráðabirgðalögunum er
ríkisvaldið að þjóna hagsmun-
um útgerðarmanna og einokun-
arauðvalds og þessi lög eru
aðeins vísir þess sem koma
skal, ef frumvarp til nýrrar
vinnulöggjafar nær fram að
ganga. Þessi árás auðvaldsins
miðar að því að svipta verka-
fólk mannréttindum og færa
baráttu verkalýðsstéttarinnar
áratugi aftur í tímann. Mið-
stjórn Kommúnistaflokks Ís-
lands m-l hvetur allt verka-
fólk til baráttu gegn þessum
þrælalögum - þessi barátta er
aðeins upphafið á enn harðari
baráttu gegn nýrri vinnulög-
gjöf.

Árás auðvaldsins kemur einn-
ig fram í formi fjöldauppsagna
og stórlega skerts atvinnuör-
yggis. Í viðleitni sinni til að
auka gróða sinn hefur einokun-
arauðvaldið t.d. ráðist gegn
afgreiðslustúlkum í brauða- og
mjólkurbúðum og svipt þær
möguleikanum til lífsframsfer-
is með því að láta loka búðun-
um.

En verkalýðurinn hefur snúist
til varnar. Fjöldabaráttu gegn
bráðabirgðalögunum og lokun
mjólkurbúða er hafin og Ís-
lensk alþýða er einhuga í að
láta ekki kúga sig. Undanfarin
ár hafa sýnt vaxandi baráttu
alþýðunnar gegn kúgunartilraun
um auðvaldsins og nægir þar
að nefna baráttu verkamanna

um á vinnulöggjöfinni. Í því
starfi hefur nokkuð skilað áleiðis
og merkin um að verkalýðurinn
hefur verið og er rétt í aðal-
leitar í æ ríkari mæli eftir sjálf-
stæðri skipulagningu í baráttunni
fara vaxandi. ÁSÍ-forystan hefur
ekki lengur sömu tókin á aðildar-
félögum og verkalýðnum, þess
vegna álfur borgarastéttin fulla
þörf á nýrri og harðari vinnulög-
gjöf. Gegn þessu verður að rísa
auðvaldsins með málstaðri skipu-
lagningu verkalýðsstéttarinnar.
Skilgreiningin á stéttunum í
Íslensku þjóðfélagi

hjá Kaupfélagi Arnesinga gegn
geðþóttuappsögnun, baráttu
verkamanna hjá Aburðar-
verksmiðju ríkisins gegn kaup-
ránslögum og baráttu verka-
kvenna á Akranesi fyrir jafn-
rétti til starfs og launa. Í æ
ríkari mæli tekur verkafólk
málin í elgin hendur og sam-
einaast á grundvelli stéttabar-
áttu gegn kúguninni.

En ríkisvald auðvaldsins á
bandamenn innan raða verka-
lýðsins. Æðsta forysta Alþýðu
sambands Íslands og Sjómanna
sambandsins hefur gert allt
sem hún getur til að slæva
baráttuvilja alþýðunnar og með
makki sínu og undanslætti hef-
ur hún sáð fræjum sundrunar,
óeinangar og óvissu. Sáttfýsi
hennar við atvinnurekendur
hefur rutt nýrri vinnulöggjöf
braut. Í þessum málum hafa
þeir þingflokkar, sem kenna
sig við verkalýðshreyfingu og
sósíalisma, einkum Alþýðu-
bandalagið, sýnt sitt rétt and-
lit. Í stað þess að skipuleggja
vinnandi fólk og hvetja til bar-
áttu hafa þeir notfært sér á-
standið til atkvæðaveiða og
reyna þannig að afla sér álit-
legra embætta á Alþingi og
innan ríkisstofnanna.

Samfara aukinni kúgun innan-
lands selur auðvaldið sjálfs-
ákvörðunarrétt og náttúruauð-
æfi landsins í hendur erlendra
auðhringa og risaveldanna.
Einokunarauðvaldið selur póli-
tísk og efnahagsleg yfirráð yfir
200 mílna lögsögunni í skipt-
um fyrir verslunarívilnanir og
markaðsgróða. Miðstjórn
Kommúnistaflokksins bendir á,
að baráttunni í landhelgismál-
inu er alls ekki lokið, heldur
aðeins á byrjunarstigi. Sú
barátta sem hafin var, þegar
fiskveiðilögsagan var færð út
í 200 mílur, lýkur ekki fyrr
en með fullum og óskoruðum
yfirráðum Íslands yfir bæði
fiskveiði- og siglingalögsögu.
Fjöldabaráttu gegn braski með
sjálfsákvörðunarrétt þjóðar-
innar er nátengd fjöldabaráttu
gegn kreppuráðstöfunum auð-
valdsins.

Ásælni risaveldanna beggja,
Bandaríkjanna og Sovétríkj-
anna, eykst stöðugt samfara
hertu vígbúnaðarkapphlaupi.
Bæði ríkin seilast til síaukinna
áhrifa á Íslandi í formi pólit-
ískra og efnahagslegra ítaka
og vegna legu Íslands verður
andið bittein risaveldanna í
stríði. Miðstjórn Kommún-
istaflokksins hvetur til árvegni
gagnvart risaveldunum báðum
og bendir á, að einhlíða and-
staða við bandarísku heims-
valdastefnuna ryður sósíal-
heimsvaldastefnu Sovétríkjanna
braut. Kommúnistaflokkurinn
mun beita sér fyrir aukinni
baráttu gegn stríðshættunni,
sem sérstaklega stafar frá
Sovétríkjunum.

stéttirnar í Íslensku þjóðfélagi.
Núverandi skilgreining flokksins
hefur verið og er rétt í aðal-
atriðum. Það sem umræðurnar
snerust hins vegar um er afstað-
an til starfsfólks í verslunum
og á skrifstofum. Álitu sumir
að þessir hópar væru hluti
verkalýðsstéttarinnar, sem þó
gæti ekki gegnt forystuhlutverki
í sósíalísku byltingunni og töldu,
að iðnverkalýðurinn yrði að
leiða þessa hluta öreigastéttar-
innar á sama hátt og hann leiðir
t.d. bændur. Þeir sem voru á

Framhald á bls. 5.

Hrindum bráðabirgðalögunum gegn sjómönnum

II. landsfundur miðstjórnar Kommúnistaflokks Íslands
m-l var haldinn dagana 25. og 26. september. Fund-
urinn ræddi m. a. stjórn málaástandið og sendi frá sér
ályktun um það, sem birt er í heild sinni hér í blað-
inu.

Það sem einkennir stjórn málaástandið á Íslandi í
dag, að álit landsfundarins, er, hvernig auðvaldið
með aðstoð ríkisvaldsins undirbýr nú störfelldar árás-
ir á kjör verkafólks og réttindi þess, til að vernda sinn
eigin gróða. Árásir þessar hafa ekki einvörðungu í
för með sér minnkandi kaupmátt og skertan samnings-
rétt heldur líka atvinnumissi eins og mjólkurbúðamál-
ið er gott dæmi um.

Þessar kreppuráðstafanir einokunarauðvaldsins hafa
nú sýnt sig berlega með útgáfu bráðabirgðalaganna
gegn sjómönnum, þar sem reynt er að þvinga þá til
að vinna á smánarlegum samningum, sem yfirgnæf-
andi meirihluti sjómannafélaganna hefur fellt í tvígang
auk þess sem lögin banna öll verkföll og samúðarverk-
föll þann tíma sem þau gilda.

En þessi þvingunarlög gagnvart sjómönnum er að-
eins forsmekkurinn af því sem koma skal. Borgara-
stéttin og ríkisvald hennar undirbúa enn harkalegri
árásir á réttindi verkafólks og vinnandi alþýðu. Fé-
lagsmálaráðherra hefur látið semja frumvarp til nýrra
laga um stéttarfélög og vinnudeilur, sem myndu þýða
stórkostlega skerðingu á réttindum verkalýðsins til að
semja um kaup og kjör, nái lögin fram að ganga.
Þess vegna er það afar mikilvægt að hrinda bráða-
birgðalögunum, sem sett hafa verið gagnvart sjómön-
num. Kommúnistaflokkur Íslands verður því að beina
meginþunga starfskrafta sinna að þessu verkefni. Það
er prófsteinninn á það, hvort KFI/ML sé verður þess
að vera flokkur verkalýðsstéttarinnar og taka að sér
forystuna í baráttu stéttarinnar. Landsfundur mið-
stjórnar undirstrikaði mikilvægi þessarar baráttu með
svofelldum orðum: "Þessi árás auðvaldsins miðar að
því að svipta verkafólk mannréttindum og færa baráttu
verkalýðsstéttarinnar áratugi aftur í tímann."

Samfara dýpkandi kreppu og auknum rekstrarerfið-
leikum atvinnuveganna hafa Íslenskir auðmenn með að-
stoð ríkisvalds síns hafið störfelldar árásir á kjör og
réttindi alþýðunnar til að komast hjá skertum gróða.
Þessar árásir koma nú æ betur í ljós með degi hverj-
um. En verkafólk er smám saman að rísa upp til bar-
áttu gegn kúgun auðvaldsþjóðfélagsins. Jafnframt því
hefur hin spillta og mútubæga verkalýðsforysta afhjúp-
að þjónkun sína við auðvaldið og reynst alls ófær um
að skipuleggja verkafólk til baráttu eða veita því for-
ystu á einn eða annan hátt. Verkalýð hefur því í auk-
um mæli skipulagt sig sjálfstætt á grundvelli stétta-
baráttunnar, án þátttöku forystumannanna í verkalýðs-
hreyfingunni. Kommúnistaflokkurinn verður æ meir
að gefa gaum að þessum sannindum. Hann verður að
vera reiðubúinn til að færa á meiri fórnir í daglegri
hagsmunabaráttu verkalýðsins og taka að sér forystu
allkrar baráttu, því hlutverk hans er að sameina
verkalýðshreyfinguna og sósíalismann.

1/10

II. LANDSFUNDUR MIÐSTJÓRNAR KFI/ML

Dagana 25. og 26. september
kom II. Landsfundur Miðstjórn-
ar Kommúnistaflokks Íslands
Marxista-Lenínista, saman í
Reykjavík. Verkefni landsfund-
arins voru mjög fjölbætt og
viðamikil. Meðal þeirra mála
sem á dagskrá voru, var stjórn-
málaástandið og verkefni flokks-
ins, skilgreiningin á stéttunum í
Íslensku þjóðfélagi og sundrun-
in í röðum marxista-lenínista.
Eftir lífleg skoðanaskipti og
miklar umræður, var samþykkt
ályktun frá landsfundinum um
stjórn málaástandið, en hún er
birt annars staðar í blaðinu.

Stjórn málaástandið og verkefni
flokksins.

Ísins og fram kemur í stjórn mála-
ályktuninni frá landsfundinum,
var miðstjórnin sammála um að

yfirstandandi árásir borgara-
stéttarinnar á kjör og réttindi
verkalýðs og sérstaklega sjó-
manna, gætu leitt til alvarlegs
pólitífsks ástands fyrir verka-
lýðsstéttina. Ef þrælalögin sem
meina sjómönnum að notfæra sér
samningsrétt sinn og banna þeim
alla hlutdeild í ákvörðunum lífs-
kjara sinna ná fram að ganga,
munu þau draga þungan dýk á
eftir sér. Auðvaldið reyndi
sama leikinn í fyrra, þegar bráð-
abirgðalög voru sett á starfs-
menn ríkisverksmiðjanna, en
þeim var hrundið með einhuga
baráttu verkalýðsins. Nú þegar
ráðist er gegn sjómönnum, sem
á margan hátt standa ver að vígi
en verkafólk í landi, verður
verkalýð um land allt að rísa
upp til andmæla og baráttu gegn
árásinni. Sjómenn eru dreifðir

All miklar umræður urðu um

Gegn skattsvikum og skattþíningu

Í ár nemur tekjuskattur á einstaklinga og félög alls 6 milljörðum 867 milljónum. Hvernig skiptist þessi upphæð? Hverjir greiða hana? Einstaklingar, sem að 90% eru launamenn skulu borga 5 milljarði og 797 milljónir. Félög, þ.e. hlutafélög og fyrirtæki skulu borga 1 milljarð og 70 milljónir.

Þetta eru hrikalegar tölur en ekki furðulegar ef tillit er tekið til þess að 511 stórfyrirtæki sleppa við að greiða tekjuskatt af 37 milljarða veltu. Hér eru reyndar ekki taldir með 473

atvinnurekendur og forstjórar sem eru tekjuskattlausir. Það eru launamenn landsins sem fá að blæða. Þeir fá að borga okurskatta af þurftartekjum sínum til að halda uppi mönnunum með breiðu bökin.

Síaukið misrétti

Hver hefur þróun skattanna verið seinustu árin? Hefur misréttið aukist? Það er ekkert vafamál.

Á seinustu tveimur árum hefur hækkun á neyslu- og tekjusköttum einstaklinga numið 24 þúsund milljónum. Hækkun á félögum er aftur á móti aðeins 148 milljónir.

Það er augljóst hvert stefnir. Ríkisvaldið hyggst þyngja álögur á almenningi hvað sem það kostar. Fyrirtæki eru frúð í síauknum mæli við skattgreiðslur til þjóðfélagsins. Tölurnar tala sínu máli.

Aukning óbeinu skattanna

Stéttabaráttan hefur áður bent á að tillögur Alþýðuflokksins um niðurfellingu tekjuskatts á einstaklingum séu í reynd bjarnargreiði við launafólk, því Alþýðuflokkurinn gengur ekki beint til verks og krefst niðurfellingar tekjuskatts á þurftarlaunum heldur vill hann taka upp samhliða nýja fjárflokkunarleið fyrir ríkið. Hann vill auka óbeina skatta, söluskatt og síðan virðisaukaskatt, svo ríkið tapi nú engu.

Þetta er svívirðileg tilraun til að vega aftan að launafólki. Þrátt fyrir að beinu skattarnir séu slæmir eru þeir óbeinu þó ennþá verri. Þeir koma verst niður á barnmörgu láglaunafólki. Það er ómurllegt til þess að hugsa að "alþýðuflokkur" skuli fara fram á hækkun óbeinna skatta. Hingað til hefur það verið sérbaráttumál fhaldsins og atvinnurekenda.

Það hlýtur að vera eitt af meginbaráttumálum okkar hvað varðar skattalöggjöfiná að minnka óbeinu skattana. Í dag eru þeir í miklum meirihluta af fjárflokkunarleiðum ríkissjóðs. Af 62 milljarða heildartekjum ríkissjóðs eru um 50 milljarðir fengnir með óbeinum sköttum. Þar er um að ræða söluskatt, viðlagagjald, tolla, aðflutningsgjöld, framleiðsluskatt o. fl.

Par af gerir söluskatturinn um 23.280 milljónir.

Látum auðvaldið borga sinn skatt

Kommúnistaflokkurinn setur fram þá kröfu að skattar af þurftarlaunum verði afnumdir. Við setjum einnig fram þá kröfu að auðvaldið verði skattað og komið í veg fyrir þau stórfelldu skattsvik sem eiga sér stað og nema milljörðum króna.

Við bendum á að ef stórfyrirtækin væru látin borga tekjuskatt af sínum rekstri kæmi inn upphæð sem er hærri en allir einstaklingar á landinu eru látnir greiða í tekjuskatt. Ríkið kæmi þannig slétt út og engar nýjar fjárflokkunarleiðir

"þyrfti" eins og Alþfl. talar um.

Við bendum ennfreður á að það er ætlað að söluskattssvik nemi um 10% í heildina tekið. Ef svo er greiða neytendur 2,6 milljarða sem aldrei komast til skila frá kaupmönnum. Það er tæplega helmingur þess sem allir einstaklingar á landinu borga í tekjuskatt.

Í framhaldi af þessu er það því sjálfsgöð réttlætiskrafa að fátækum láglaunafjölskyldum sé hlíft við skattaálagningu. Þar er ekki af neinu aukafé að taka sem ekki þarf að fara til brýnustu nauðsynja.

Hvaða leiðir...

Kommúnistaflokkurinn hvetur alþýðufólk til að taka upp baráttuna gegn skattþíningu af stórauknum krafti. Það er þýðingarlaust að bíða eftir því að hálaunaliðið á Alþingi geri einhverjar raunhæfar ráðstafanir. Hér dugar ekkert nema kröftug baráttu almennings. Tökum skattamálin upp í verka lýðsfélögnum og öðrum fjölda-samtökum alþýðunnar.

Gerum baráttuna gegn skattþíningunni að þætti í almennri kjarabaráttu verkalýðsstéttarinnar.

-/mvs

Baráttufundur

Samtökin gegn lokun mjólkurbúða efndu til kröfugöngu og baráttufundar í Austurbæjarbíói laugardaginn 25. sept. sl. Fundinn sóttu um 350 manns. Á fundinum komu fram ræðumenn bæði úr röðum neytenda og starfsstúlkna. Auk þess talaði á fundinum fulltrúi frá samtökum sjómanna sem berjast fyrir frjálsum samningsrétti. Dró hann fram í stuttu máli hvernig baráttu þessara tveggja hópa væri um margt svipuð og lýsti hann aðdáun sinni á þeim baráttuhug og þeirri einingu sem starfsstúlkurnar hafa sýnt. Fundinum bárust fjöldamörg skeyti og stuðningsyfirlýsingar við baráttu samtakanna gegn lokun mjólkurbúðanna.

Það vakti athygli manna í sambandi við þessar aðgerðir hvernig "hið hlutlaus" ríkisútvarp sagði frá þeim í hádegisfréttunum á laugardegnum. Fyrst kom stutt fréttatilkynning um gönguna og fundinn en strax á eftir kom yfirlýsing



frá Stefáni Björnssyni forstjóra Mjólkursölunnar þar sem hann lýsti því yfir að aðgerðir þessar byggðust á miskilningi, og því væri gagnslaust að taka þátt í þeim. Að auki væri þeirra engin þörf sem það væri búð að ráðstafa öllum samsölubúðunum og myndi þjónustan við neytendur batna mjög. Þegar væri búð að tryggja stúlkunum atvinnu

eftir lokunina og hann ítrekaði að enn hefði engin kvennanna kvartað vegna atvinnumissis. Ræðumenn á fundinum staðfestu að málflutningur forstjórans er helber lygi frá upphafi til enda. Það virðist að í þessu máli sem og fleirum, eigi lygar atvinnurekenda greiðari aðgang að ríkisfjölmiðlunum, en heiðarleg rök verkafólks. HI/-

Flett ofanaf skattrannsóknardeild

Er hægt að treysta ríkisvaldinu til að koma á réttlátu skattakerfi? Mun starfsemi Skattrannsóknardeilda koma í veg í veg fyrir skattsvik?

Þessum spurningum held ég flestir geti svarað neitandi. Reynslan hefur leitt í ljós að þær endurbætur sem ríkið hefur staðið fyrir í þessum málum hafa aðeins verið kattarklór. Þær hafa aldrei breytt neinu að marki. Rekstur skattrannsóknardeilda er dæmigerður fyrir þessa blekkingastarfsemi. Þessi stofnun sem sögð er eiga að rannsaka og upplýsa skattsvik hefur eingöngu beint spjótum sínum að framtölum launamanna en leitt hjá sér stórlaxana.

Í Dagblaðinu fyrir nokkru birtist athyglisvert lesendabréf eftir starfsmann á Skattrannsókna-deild. Þetta bréf er mjög afhjúpanði og svikamyllan krufin svo rækilega að ekkert dagblaðanna hefur lagt út af því. Starfsmaðurinn kemur aðeins of miklið við kaunin á burgeisunum og skrifbentum þeirra.

Í lesendabréfinu stendur: "Ríkisskattstjóri ákveður á hverjum tíma hvaða rannsókni

skuli fara fram og gengur sú skipun til dæmis til Skattstofunnar í Reykjavík, sem framkvæmir frumrannsókni. Sé um skattsvik að ræða er málið sent aftur til ríkisskattstjóra til umfjöllunar þar sem það er annaðhvort unnið strax, saltað eða sent til baka til viðkomandi skattstofu til afgreiðslu. En sú spurning vaknar hví ríkisskattstjóri velur fjölmennustu stéttir í landinu, launþega og smáatvinnurekendur vitandi það að með því starfsliði sem er til staðar er nægja ekki 365 ári til verkefnisins. Ekkert er um það að rannsóknamenn eigi frumkvæði að skattrannsókni t.d. eftir útkomu skattskrár eða eftir ábendingum."

Og starfsmaður Skattrannsókna-deilda heldur áfram: "Er það ríkisskattstjóri eða fjármálaráðherra sem sjá til þess að kaffera rannsókna-deildina í vonlausum verkefnum eða eru það stjórnmalaflokkar, þingmenn, lögfræðingar, löggiltir endurskoðendur eða verktaðklíkur. Grunur minn er sá að það séu ákveðin öfl á bak við ríkisskattstjóra sem sjái til

þess að skapa glundroða hjá rannsókna-deildinni. Þessi glundroði sem þessi ákveðnu öfl hafa skapað eru þess valandi að raunverulegir fjárglæframenn og skattsvikarar ganga lausir."

Þetta eru athyglisverð orð og ekki miklu við þau að bæta. Nú getur hver og einn lesandi þessarar greinar velt því fyrir sér hvers vegna 96% af starfskrafti skattrannsókna-deilda er látin elta við smáupphæðir hjá launþegum. Og hvers vegna rannsókni á skattframtölum eru háð því að æðsti presturinn, ríkisskattstjóri, veiti leyfi sitt.

Við skulum klykkja út með setningu úr grein skattrannsókna-mannsins:

"Komið hefur fyrir að rannsóknamenn hafi fengið það sem kalla mætti stóra skattsvikara og hafa þeir því álitid í gamni að sá hafi ekki viljað borga í flokkssjóðinn, eða neitað uppsettu verði hjá endurskoðanda sínum eða lögfræðingi."

-/MVS

Verðbólgan er hagstjórnartæki

Það er ekki aðeins skattakerfið sem er uppspretta gífurlegrar eigna- og gróðamynduna eignastéttarinnar. Það verður að líta í samhengi við aðra þætti samfélagsins. Hér á ég fyrst og fremst við verðbólguna og bankakerfið. Það er ríkisvaldið og stjórn bankakerfisins sem eru grundvöllur hinnar stórfelldu svikamyllu borgarastéttarinnar.

Lánveitingar banka og fjárfestingarsjóða til burgeisanna nemur þúsundum milljóna á ári. Þær gera þeim fært að safna milljarðaeignum á örfaum árum. Á meðan kjör launafólks eru skert, smálán takmörkuð og sparið þess gert að engu vegna verðbólgunnar ýta fyrirgreiðslur bankanna undir gífurlega eigna-myndun eignastéttarinnar.

Lánastarfsemi bankanna

Tökum dæmi um hvernig braskari notfærir sér lánastarfsemi. Hann tekur t. a. m. 100 milljónir að láni til kaupa á fasteign. Síðan rekur hann eignina með bókhaldslegu tapi í nokkur ár. Skattalöggjöfin gerir honum það kleift. Tapið er svo fjármagnað með nýjum lánum t. d. 20 milljónum alls. Síðan er eignin seld að nokkrum árum liðnum og gæti hafa tvöfaldast í verði vegna verðbólgunnar. Hreinn hagnaður nemur 80 milljónum. Og söluhagnaður er að sjálfsgöðu skattfrjáls.

Grátkór útgerðarmanna

Tökum annað dæmi. Utgerðarmenn kvarta ósjaldan yfir rekstrarörðugleikum og tapi. Hálf lætur sá grátkór hjáróma í eyrum ef skyggnst er bak við tjöldin og rýnt milli línanna í bókhaldinu.

Segjum að útgerðarmaður fjárfesti í skipi upp á 300 milljónir króna. Lögin gera honum kleift að afskrifa um 30% af þeirri upphæð á ári. Vegna þessara afskriftareglna getur hagnaður af rekstri numið tæpum 95 milljónum króna á ári án þess að annað en botnlaust tap komi fram í bókhaldi. Skattfrjáls eignamyndun á ári getur þannig numið tugum milljóna sem renna óskiptar til kapitalistans. Á fjórum árum gerir hinn skattfrjálsi gróði 380 milljónir króna. Þá á útgerðarmaðurinn um tvo kosti að velja. Hann getur selt skipið með gífurlegum hagnaði sem auðvitað er ekki skattlagður. Hann getur líka breytt um nafn á útgerðarfyrirtæki skipsins, haldið áfram rekstrinum og hafið afskriftirnar á nýjan leik af fullum krafti.

Þetta er vissulega einfölduð mynd sem dregin er hér upp en samt gefur hún til kynna þá möguleika sem kerfið gefur burgeisunum til skattfrjálsrar gróðamyndunar. Það svívirðilegasta við þetta allt saman er, að fjármagnið sem auðmaðurinn notar upphaflega er yfir 90% aðfengið lánsfé.

Hinir gömlu athafnamenn heyrta vissulega sögunni til. Þeir eru þjóðsaga frá uppvaxartímabili íslenskrar borgarastéttar. Í dag eru það út-smognir fjármálaspekúlantar sem stjórna og nota kerfið, sem þeir sjálfir hafa búið til, til að moka inn óhemjulegum gróða.

Verðbólgan er kúgunartæki burgeisanna

Skattalögin og aðgangurinn að bankakerfinu færa í sameiningu burgeisunum milljónagróða, hreinar eignir sem þeir leggja ekkert til sjálfir. Hlutverk verðbólgunnar er þannig tvenns konar.

Annars vegar er hún notuð sem hagstjórnartæki til að þyngja óbeina skatta og gjöld á launþegum. Það dulareðli sem hún er sveipuð er eingöngu til að hylja þá staðreynd að hún er eitt tæki atvinnurekenda og ríkisvalds til arðráns á alþýðunni.

Hins vegar er verðbólgan grundvöllur stórfelldrar eignamyndunar eignastéttarinnar. Hún étur upp skuldirnar á skömmum tíma, margfaldar verðgildi fjárfestinga og stingur aukagróða í vasa kapitalistanna.

Verðbólguþróunin er því ekki neitt óútskýranlegt náttúrulegumál. Hún er skýranlegt út frá þeim hagsmunum auðstéttarinnar sem að baki henni liggja.

-/mvs

Hrindum bráðabirgðalögunum gegn sjómönnum!

Undanfarnar vikur hefur baráttu sjómanna fyrir mannsæmandi kjörum og frjálsum samningsrétti stöðugt harðnað. Eftir að sjómannasamningarnir voru felldir í flestum sjómannafélögum lögleiddi ríkisvaldið, að beiðni LIÚ, samningsdrögin þar sem lækkuð skiptaprósentunnar var staðfest og sjómenn um leið sviptir frjálsum samningsrétti. Lækkun skiptaprósentunnar og algerlega óviðunandi lágt fiskverð hefur knúið sjómenn til baráttu fyrir lífskjörum sínum og mannréttindum, til baráttu gegn þrælalögum ríkisstjórnarinnar.

Þessi baráttu fer nú fram með undirskriftasöfnun sem skorar á Alþingi að ógilda bráðabirgðalögin, en enn fremur hafa sjómenn hótad að ganga í land allir sem einn maður fáið ekki viðunandi fiskverð og frjáls samningsréttur. STÉTTABARÁTTAN tók eftirfarandi viðtöl við þá Guðmund Jónsson, skipstjóra á togaranum Júní frá Hafnarfirði, og Ólaf G. Gíslason, 1. stýrimann á sama togara. Báðir standa þeir framarlega meðal þeirra sem standa að undirskriftasöfnuninni og hafa ákveðnar skoðanir á því hvernig heyja eigi baráttuna.

„Endurreisum félögin“

- Hver var aðdragandi þess að samstarfsnefnd sjómanna var stofnuð í fyrra?

ÖGG: Þegar nýtt fiskverð varð ákveðið í fyrrahaust kom í ljós að það fól í sér ca. 30% lækkun á ufsa. Þetta þýddi vitaskuld gífurlega kjaraskerðingu fyrir togarasjómenn þar sem meginupplistaða haustaflans er ávallt ufsi.

Þetta verð kom öllum mjög á óvart, þar sem vitað var að ýmsir fiskverkendur við Faxaflóa og á Reykjanesi keyptu þá þegar ufsa af bátunum á jafnaðarverði, sem var allt að því helmingi herra en dýrasti verð flokkurinn. Þess verðákvörðun beindi því öllum sóknarþunga togaranna á þörsinn en ekki frá honum eins og Matthías Bjarnason hefur svo oft haldið fram.

Það sló menn þó mest að okkar menn í Verðlagsráði, þeir Ingólfur Ingólfsson og Kristján Ragnarsson skyldu samþykkja þetta fiskverð með undirskrift sinni. Að vísu vissum við að Kristján Ragnarsson varð að sitja klovvega við borðið til að geta gætt hagsmuna allra þeirra fiskkaupenda sem eru í LIÚ. Hvað olli því að Ingólfur Ingólfsson skrifaði undir er mönnum hins vegar enn þann dag í dag óskiljanlegt.

Til að mótmæla verðákvörðuninni kusu áhafnir þeirra skipa sem voru inni hér á suðvesturhorninu sér fulltrúa til að tala sínu máli. Nefndin var þannig að mestu skipuð sunnlendingum en ánægjulegt er að vita að sú hreyfing sem nú hefur tekið af skarið í baráttu sjómanna er samansett af sjómönnum úr öllum landsfjórðungum auk þess sem hún hefur trygga tengla eða fulltrúa í öllum eða a. m. k. flestum verstöðvum. Það sýnir styrk þessarar hreyfingar.

Ef við snúum okkur aftur að Verðlagsráði þá er forkastanlegt að sjómannasamtökin skuli ekki hafa hagfræðing bara

í því að fylgjast með hreyfingum á heimsmarkaðsverði. Ástandið er nú svo svart, að samtökin eru ekki einu sinni á skrifendur að helstu "heimsmarkaðsblöðum" sem gefin eru út. Þannig hafa fulltrúar okkar í Verðlagsráði lítið annað í höndunum en gráttölur Sveins Ben., eða upplýsingar frá fulltrúa "hins hlutlausa ríkisvalds", þjóðhagsstofustjóranum Jóni Sigurðssyni.

- Hver varð árangur samstarfsnefndarinnar?

ÖGG: Kannski má segja að mesti árangur samstarfsnefndarinnar hafi verið að vekja sjómenn almennt til vitundar um svínarífið sem ríkir í íslenskum sjávarútvegi í dag. Henni tókst hins vegar ekki að afnema sjóðakerfið þó svo að ársгамall olfusjóður væri lagður niður auk hluta af tryggingarsjóði. Sjóðir eins og fluttryggingarsjóður, þar sem útgerðin getur hreinlega hagað sínum málum þannig að sem stærstar fúlgur fái út eru enn við lýði. Eða með öðrum orðum, sumum úgerðarmönnum er hreinlega gert kleift að gera út á kerfið.

Þá vildi samstarfsnefndin auka hlut starfandi sjómanna í gerð og við mótun krafna og að þeir tækju sjálfir meiri þátt í samningagerðinni. Þannig lögðum við fram tillögum um nýtt fiskverð sem grundvallaðist m. a. á færeyska fiskverðinu og sem við gátum sætt okkur við. En hér strandaði, sem oft fyrr, á forystunni sem barðist beint gegn þessu tilteki okkar. Það virðist oft svo sem forystan vilji halda starfandi sjómönnum utan við allt starf í félögum. Við megum hins vegar aldrei gefast upp þótt hluti forystunnar sé okkur mótsnúin. Þvert á móti verðum við að þjappa okkur saman til órofa baráttu fyrir hag sjómanna og endurreisn félaganna.

„Sjómenn sameinaðir í baráttunni“

Guðmundur Jónsson byrjaði við-fjarða var í máli við útgerðartalið með að benda á, að þegar bráðabirgðalögin voru sett, hefði að vænta í því, en því lauk ekki verið búið að reyna á það snögglega með setningu bráðabirgðalaganna. Með þeim hefði komulagi. T. d. hefðu engir að-Matthías Bjarnason vissulega hljónað útgerðarmönnum vel, og sérstaklega peningamönnum sem standa að baki honum fyrir vestan, en Matti Bjarna er sem kunnugt er frá Ísafirði. Guðmundur sagði, að bráðabirgðalögin væru þrælalög sem sett væru algerlega eftir höfði útgerðarinnar. Með þeim ætti að þvinga sjómenn til að vinna á algerlega óviðunandi kjörum, og gera þá að einhverskonar þriðja flokks borgurum, sem ekki hefðu full mannréttindi, en samningsréttur er vissulega mannréttindi. Með lögumum væri verið að málbinda sjómenn og kúga þá til að þræla á skítakjörum.

Aðspurður um markmið aðgerða sjómanna sagði Guðmundur: "Aðgerðin beinist fyrst og fremst að því að fá bráðabirgðalögin ógild. Undirtektir sjómanna við aðgerðirnar eru 100%, og þær eiga sér fullan stuðning jafnt hjá meðlimum Sjómannasambandsins sem meðlimum Farmanna og fiskimannasambandsins. Fyrir utan lista sem ætlaðir eru sjómönnum að skrifa á, eru aðrir listar sem ætlaðir eru almennum launþegum og öllum sem styðja þessa baráttu að skrifa á. Hinn almenni launþegi verður að hafa hugfast að bráðabirgðalögin eru tilræði við sjálfan samningsréttin og vísir að því sem vænta má af nýrri vinnulöggjöf. Hvar í flokki sem fólk er verður það að snúast til varnar gegn þessu tilræði ríkisvaldsins við frjálsan samningsrétt. Við getum skoð-

að þessa baráttu gegn bráðabirgðalögum sem líðskönnun fyrir baráttu gegn vinnulöggjöf. Það mun koma í ljós hverjir eru fúsir til baráttu og hverjir ekki."

Í þessu sambandi vill Stéttabaráttan minna á, að meðal ákvæða í frumvarpi að nýrri vinnulöggjöf er að finna ákvæði sem heimila ráðherra að fresta verkföllum undir 100 manna hópum allt að 60 dögum, stórukið vald sáttasemjara og grófa íhlutun um innri skipulagsmál verkafélagsfélaganna ss með því að kveða á um að a. m. k. 25% meðlima verði að greiða atkvæði gegn sáttatillogu til að hægt sé að fella hana.

Auk þess er gert ráð fyrir stóru aukinni miðstýringu verkafélagsfélaganna og að samningsréttur verði tekin af einstökum aðildarfélögum en fengin í hendur sér-sambandanna eða ASÍ. Þá er einnig lengdur boðunartími verkfalla og á allan hátt reynt að skerða baráttuhæfni verkafélags-hreyfingarinnar. Stéttabaráttan tekur undir þau orð Guðmundar að bráðabirgðalögin séu forsmekkur þess sem koma skal með nýrri vinnulöggjöf.

Guðmundur sagðist vilja benda á að ef fiskverð sem ákveða á um mánaðarmótin verður ekki gott, verði sprenging sem ekki verði auðvelt að ráða við. Sjómenn væru orðnir langþeyttir á að vera troðnir í svaðið, og hann sagði að vafalaust myndu sjómenn ganga á land ef fiskverð verður lágt. Nú þegar hafa vélstjórar á togurum hótad því, og aðrir munu fylgja í kjölfarið. Undirskriftalistarnir verða afhentir Alþingi 26. okt nk., og þá mun koma í ljós hvort alþingismenn ætla að píska sjómenn áfram eða hvort þeir afnema ölögin.

Í dag er forysta sjómannafélaganna hikandi og sundruð í afstöðu sinni til þess hvernig á að snúast gegn bráðabirgðalögum. En áður en til úrslitaorustunnar dregur verður hún að sameinast ef hún á að geta veitt baráttu sjómanna leiðsögn og samið fyrir hönd umbjóðenda sinna. Sjómenn eru í dag sameinaðir í baráttu fyrir hagsmunum sínum og þá má ekki vera sundrung í forystusveitinni, sagði Guðmundur Jónsson að lokum. Stéttabaráttan tekur undir orð hans, og brýnir sjómenn og alla launamenn til baráttu gegn kúgunaraðgerðum ríkisvaldsins og útgerðarmanna. Sú baráttu er nú er að hefjast mun enn harðna því hún er til varnar lýðrættindum allra vinnandi manna.



Sjómaðurinn kemur út.



"Frjáls samningsréttur", samtök sjómanna sem berjast gegn bráðabirgðalögum ríkisstjórnarinnar frá 6. sept. hafa nú gefið út 1. tbl. af málagnisínu "Sjómaðurinn". Það er vilji samtakanna að blaðið komi áfram út ef það fær hljómgrunn meðal sjómanna. Verður þá e. t. v. stofnað útgáfufélag um rekstur blaðsins. Stofnun slíks blaðs var orðin mjög tímabær. Þau tvö blöð sem fjalla um sjóinn (Sjómannaþingið Víkingur og Sjávarfréttir) forðast eins og heitan eldinn að fjalla um kjara- og öryggismál sjómanna. Eitt

af því sem gerir samtök sjómanna svo vanmáttug er hversu dreifðir sjómenn eru og óskipulagðir. Raunverulegt sjómannaþingið er því mikilvægt tæki til að sameina sjómenn um baráttumál líðandi stundar og endurreisn sjómannafélaganna.

STÉTTABARÁTTAN óskar sjómönnum til hamingju með nýja blaðið og vonar að það muni reynast þeim styrkur í þeirri baráttu sem þeir heyja nú fyrir kjörum sínum og rétti.

-/ritn.

framhald á forsiðu

Baráttu sjómanna:

ríkisvaldinu. Dæmið að vestan sannar að LIÚ hefur selt sig löngu áður en inn í Verðlagsráð er komið. Fulltrúi sjómanna stendur því einn þar sem ríkisvaldið hefur löngum sýnt sitt eðli.

Ef yfirnefnd Verðlagsráðs ákveður fiskverð núna í október sem er eitthvað í líkingu við fiskverðið í fyrrahaust og taki þannig ekkert tillit til stórlegrar hækkunar á heimsmörkuðum þá mun þeirri skoðun sumra sjómanna vaxa fylgi að færa beri fiskverð inn í almenna samninga.

-/PS



Stefnuplagg ASÍ forystunnar

Forysta Alþýðusambands Íslands undirbýr nú þing sambandsins. Eitt meginmálið að mati forystunnar er samþykkt stefnuskrár fyrir ASÍ, sem miðar að því að skilgreina nánar hlutverk og markmið sambandsins að því að segir í inngangi plaggins. Við yfirferð á þeim frumdrögum sem skrifstofa ASÍ hefur sent frá sér til umfjöllunar hjá hinum ýmsu aðildarfélögum, kemur í ljós hvert er hlutverk og markmið þeirra manna sem drögin sömdu og hvert hlutverk þeir ætla verkalýðshreyfingunni. Stef- nuskrárdrögin varpa ljósi á núverandi forystu ASÍ og þingundir- búningin í heild sinni.

Stefnuskrárdrögunum má skipta í tvo meginkafla, 1. almenn pólitísk afstaða verkalýðsforyst- unnar og 2. kjaramál.

Sú pólitíska afstaða sem sett er fram í þessu plaggi einkenn- ist af því að í rauninni er ekkert sagt hreint út og sjónarmið verkalýðsstéttarinnar ætíð túlkað sem almenn réttlætisafstaða án stéttarlegs innihalds. Stefna ASÍ-forystunnar er mjög hógvær fyrir hönd verkalýðsins, gott dæmi um þá kratapólitík sem gegnsýrir stefnuna er þetta stefnatriði: "Alþýðusamband Íslands vill afnema einkaeignar- rétti að því leyti, sem hann hind- ar þróun lýðræðis og hagkvæma og skipulega nýtingu náttúruauð- linda þjóðarinnar." (Undirstr. Gr.). Ennfremur: "Krafan um lýðræði í atvinnulífinu er einn þáttur þeirrar víðleitni verka- lýðshreyfingarinnar að færa lýðræðisleg stjórnarform til fleiri þátta þjóðlífsins, auka áhrif og völd verkafólks í at- vinnulífinu almennt. Lýðræðið í atvinnulífinu er þáttur þess almennt aukna efnahagslega lýð- ræðis, sem verkalýðshreyfingin hefur að markmiði. Hún lítur á það sem sjálfsagt réttlætismál og mannréttindi að þeim auði, sem myndast í þjóðfélaginu af daglegri vinnu verkafólks, sé stjórnað og ráðstafað af því sjálfu, ýmist beint með áhrifa- völdum í fyrirtækjum og á vinnu- stað, eða gegnum lýðræðislegar valdastofnanir þjóðfélagsins." Lýðræði-áhrif-völd og ábyrgð, þetta eru fjögur lykilhugtök stefnuyfirlýsingarinnar. Öll barátta og reynsla verkalýðsins í gegnum áratugina er leyst upp í innantómt hjal sem er ætlað til þess að svæfa verka- lýðinn og telja honum trú um að hagsmunir hans og borgarastét- tarinnar fari saman í grundvall- aratriðum, það eina sem á vanti sé "aukið lýðræði" "aukin áhrif" "aukin völd" fyrir verka- fólkið sem á að greiða fyrir þessi gæði með "aukinni ábyrgð". Þessir menn ætla að reyna að fela fyrir verkalýðsstéttinni ára

tuga svika og eymdartilveru kratismans sem hefur alla sína tíð stefnt að þessum "auknu fríðindum" fyrir verkalýðinn en ætíð staðið fyrir aukinni eymd og arðræni.

Það sjónarmið sem verður að stefna gegn þessari "aukn- ingu" kratanna er að auka vit- und verkalýðsins - þannig að hann geri sér ljóst að það er ekki hægt að deila búi með auð- valdinu. Hlutverk og markmið krata, hvort sem þeir eru skipu lagðir í Alþýðuflokknum, Al- þýðubandalaginu eða einhverju öðru pólitísku útibúi borgara- stéttarinnar, er einmitt til að hindra það að verkalýðurinn öðlist þessa vitund.

LÝÐRÆÐISAST FORYSTUNN- AR.

Lýðræðishugmyndir núverandi forystu ASÍ öðlast sinn rétta svip þegar haft er í huga það starf sem þessir menn hafa unnið undanfarin ár í verkalýðs hreyfingunni. Þeir hafa með ráðum og dád reynt að skerða og takmarka innan sinna eigin félaga starf þeirra hefur æ meira einkennst af lokuðum fundum meðburgeisum og færri fundum með verkafólkinu. Í stefnuplagginu segja þeir: "Á hverju stigi baráttunnar þarf að koma til víðtæk umræða meðal verkafólksins og fræðsla af hálfu samtakanna." Þetta pára þeir á pappír samtímis því sem þeir reyna að sölsa sem mest völd til sín frá einstök- um félögum innan ASÍ. Af hverju tala þeir um "víðtæka umræðu meðal verkafólks" núna -af hverju hafa þeir ekki stuðlað

að henni áður? Já af hverju?

Svarið felur í sér tilgang og markmið stefnuplaggsins, þ.e. að reyna að blekkja verkalýðinn og viðhalda trausti hans á þeim krötum sem nú sitja í æðstu stólum verkalýðshreyfingarinnar.

FORYSTAN OG FÓLKID

Það er athyglisvert að bera



saman stefnuskrárdrögin og þann veruleika sem er til staðar í íslenskri verkalýðshreyfingu. Það sem hefur verið að gerast undanfarið er að verkafólk hefur í æ ríkari mæli lýst van- trausti á toppmenn verkalýðs- hreyfingarinnar. Og það verka- fólk sem hefur lagt út í skelegga baráttu, (verkfallið hjá KÁ Sel- fossi, verkfall verkavenna á Akranesi, barátta mjólkurbúða- kvenna og barátta sjómanna gegn bráðabirgðalögum), hefur háð sína baráttu án þátttöku "foryst- unnar" og jafnvel í beinni and- stöðu við hana. Verkalýðurinn leitar æ minna eftir tengslum við þessa herra sem eiga að teljast forysta heildarsamtaka íslenskrar alþýðu.

Starf og stefna kratanna í for- ystu íslenskrar verkalýðshreyf- ingar er andstæð hagsmunum verkalýðsins, stefnuskráin táknar því ekkert nýtt tímabil fyrir verkalýðshreyfinguna. Hún er staðfesting á því að allar hugmyndir þeirra og starf þjóna stéttarandstæðingnum - kjarni stefnuskrárdraganna er stétta- samvinna dulbúin í tali um völd og áhrif verkalýðsins.

Stefnuskráin mun engu breyta varðandi núverandi forystu ASÍ, hún mun áfram sitja á rökstólum með fulltrúum auðvaldsins. Verkalólk mun halda áfram á þeirri braut sem segir skilið við svikula forystu.

grettir:

II. LANDSFUNDUR MIDSTJÓRNAR KFI/ML

Framhald af síðu 2.

öndverðu meiddi töldu hins vegar til stéttanna í meginatriðum að forystuhlutverkið væri af- gerandi og markaði skilin milli verkalýðs og hópa sem stæðu á mörkum verkalýðsstéttar og smáborgarastéttar. Var ákveð- ið að skipuleggja þessar umræð- ur meðal allra félaga og í Rauða Fánanum, fræðilegu mál- gagni flokksins. Lögð var áhersla á, að félagar flokksins hafa ævinlega haft rétta afstöðu draga fram skilyrði og forsend- til höfuðmóthverfu íslenska þjóð- ur, sem vitað er fyrirfram að félagsins, þótt enn hefði þetta spursmál ekki verið útkljáð.

Sundrunin í röðum marxista- lenínista.

Landsfundur miðstjórnar fjall- aði um sundrungartilhneigingar í röðum marxista-lenínista og leiðir til úrbóta. Að loknum fjörugum umræðum komst fundurinn að þeirri niðurstöðu, að afstaða flokksins til annara samtaka sem kenna sig við marxismann-lenínismann yrði að vera sameign allra flokksfél- aga. Bryna nauðsyn bæri því til að virkja alla félaga til um- ræðna um þessi mál og kalla saman III. landsfund miðstjórn- ar flokksins á þeim loknum. Fundurinn fagnar þeirri stað- reynd, að EIKM-1 og systur- flokkar þeirra á Norðurlöndum hafi nú tekið upp rétta afstöðu

og væntir þess að sú nálgun til afstöðu KFI/ML sem orðið hefur muni auðvelda baráttuna fyrir sameiningu marxista-lenínista á Íslandi. Hins vegar varar landsfundurinn við þeim vinnubrögðum sem ljóslega koma fram í svokölluð- um "sameiningargrundveili" framkomu EIKM-1 þann 21. ág- úst mjög harðlega, en taldi að eigið starf hafi ekki verið full- komlega rétt unnið. Aleit fund- urinn að leggja verði höfuðáh- ersluna á fjöldaskipulagningu og fjöldabaráttu, og taldi að vettvangur hennar væri fyrst og fremst í fjöldasamtökum en ekki í samkomulagi "að ofan" við önnur samtök.

Landsfundinum var slitið um kvöldið 26. september.

GERIST ASKRIFENDUR!
að
STÉTTABARÁTTUNNI

Ályktun II. landsfundar KFI/ml um Stéttabaráttuna

Brýnustu verkefnið í uppbygg- ingu aðal mál gagns flokksins, Stéttabaráttunnar eru:

1. Ritstjórn blaðsins verður eflað með:
 - a) Ritnefndarfélagar hafi starf fyrir blaðið sem höf- uðverkefni,
 - b) verkamenn og -konur skipi meirihluta ritnefndar.
2. Fjárhagur blaðsins verði réttur eins fljótt og unnt er með rúkkun áskrifta, á- skriftasöfnun og aukningu lausasölu, í því augnamiði að tryggja reglubundna út- gáfuféðni og fastráðningu launaðs starfsmanns.

3. Miðlægar einingar og al- mennir félagar sameinist um að vinna allt starf sitt með tilliti til þess að Stétta- baráttan tengist verkalýðn- um á vinnustöðunum.
4. Skipulagning vinnslu og frágangs verði með þeim hætti að unnt sé að koma við árangursríkri sjálfböðu- vinnu flokksmanna og stuðningsmanna.

Í þessari röð verður að vinna að uppbyggingu blaðsins, þannig að tryggt sé að Stétta- baráttan komi út sem vikublað frá og með næstu áramótum.

Stéttabaráttan vikublað frá áramótum

Það verður ljósara með degi hverjum að verkalýðsstéttin þarfnast öflugs baráttumál- gagns. Athurðir undanfarinna ára í verkalýðsbaráttunni, ss verkfallið í Áburðarverksmiðj- unni, verkfallið á Akranesi, verkfallið við KÁ-verkstæðið á Selfossi og nú í dag, aðgerð- ir sjómanna og mjólkurbúða- stúlkna, sýna svo ekki verður um villst að baráttan er að móta sér nýjan farveg, þar sem verkafólkið stendur á grundvelli stéttabaráttulínu en hafnar uppgjafastefnu og undan- slætti verkalýðsforystunnar. Þessi barátta tveggja lína inn- an verkalýðshreyfingarinnar endurspeglar berlega í bar- áttu afgreiðslustúlkna í mjólk- urbúðum fyrir lífshagsmunum sínum. Þar hefur forysta ASB lagst gegn fjöldabarátt- unni, en í stað rekið stefnu atvinnurekenda í málinu. Og flokkar stéttsvikaranna, Al- þýðubandalagið og Alþýðu- flokkurinn, hafa beitt málgögn- um sínum og áhrifum innan verkalýðshreyfingarinnar til

að drepa baráttu afgreiðslu- stúlkanna niður. Í hverju málinu á færur öðru afhjúpa Þjóðviljinn og Alþýðublaðið verkalýðsfjandsamlega stefnu sína og andstöðu sína við sam- einingu verkalýðsins og sósíal- ismans. Hagsmunir þeirra eiga ekkert sammerkt með hagsmunum verkalýðsstéttar innar. Í baráttunni gegn auð- valdi og bandhundum þess inn- an raða verkalýðsins hefur Stéttabaráttan æ þýðingar- meira hlutverki að gegna. Blaðið hefur lagt sig í líma við að flytja fréttir af baráttu verkalýðs og vinnandi alþýðu heima og erlendis, og afhjúpa það misrétti sem auðvalds- þjóðfélagið stendur fyrir.

Blaðið hefur leitað við að veita leiðsögn í baráttu verka- lýðsstéttarinnar fyrir bætt- um kjörum og samtvinnað hana baráttuna fyrir afnámi auðvaldsþjóðfélagsins. Blaðið hefur undanfarin ár vaxið að umfangi og útbreiðslu, en mikið skortir upp á að blaðið sé fært um að gegna hlutverki

sínu sem raunverulegt baráttu málagn og skipuleggjandi verkalýðsstéttarinnar. Í auð- valdsþjóðfélaginu eru allir fjölmiðlar, útvarp, sjónvarp, dagblöðin, tímaritin og sam- komusalir í eigu borgarastét- tarinnar. Lýðræðið og mögu- leikar á að koma skoðunum sínum á framfæri eru bundnir því að eiga peninga og "vera með réttar skoðanir" eins og það heitir á máli auðvaldsins.

Gegn borgaralegu fjölmiðlun- um stendur Stéttabaráttan ein. Í dag stendur blaðið á þeim tímamótum að breytast úr tíma- riti í raunverulegt baráttublað sem gripið getur inn í atburði líðandi stundar. Það verkefni að halda blaðinu úti er alger- lega á ábyrgð velunnara og stuðningsmanna blaðsins, og útbreiðsla og efi blaðsins get- ur ekki verið betra en starf þeirra gefur tilefni til. Stétta- baráttan er ekki borguð af ríkisvaldinu eða auglýsingum auðvalds og braskara, heldur byggir fjárhag sinn á lausa- sölu, áskriftum og framlögum

stuðningsmanna.

Nú þegar ákveðið hefur verið að gefa blaðið út vikulega frá og með áramótum verðum við að treysta á stuðningsmenn okkar um allt land að þeir leggi harðar að sér í starfinu fyrir blaðið.

Ályktun 2. landsfundar mið- stjórnar KFI/ML um eflingu blaðsins beinir því til flokks- ins og stuðningsmanna hans að leggja hart að sér til að fjár- hagur blaðsins komist í betra horf. Stéttabaráttan á nú úti- standandi í ógreiddum áskrift- um sem gjaldfalla á þessu ári nær 2. milljónum króna, svo það er mikið í húfi að áskrif- endur bregðist vel við og greiði gjaldfallnar áskriftir.

Undanfarið hefur áskrifendum fjölgað um nær 200, en þar sem vikublaðið mun í auknum mæli styðjast við áskrifendur er nauðsynlegt að láta hvergi deigan síga og auka enn áskrif- endafjöldann. Það hefur færst mjög í vöxt að velunnarar blaðsins sendi því efni, en bet-

ur má ef duga skal. Það er markmið okkar að hafa fréttar- ritara á öllum stærri vinnu- stöðum, verkalýðsfélögum og annars staðar þar sem verka- fólk er. Þú sem þetta lest getur orðið fréttaritari blaðs- ins á þínum vinnustað. Ekkert hagsmunamál verkalýðsins er blaðinu óviðkomandi, svo sem ábendingar, úrklippur úr blöðum, upplýsingar um örygg- ismál, vinnuafstöðu osfrv. er vel þegið, svo ekki sé nú talað um greinar um þessi mál.

Á næstunni mun verða gefinn út bæklingur sem ritnefnd vinn- ur nú að, þar sem settar eru fram hugmyndir okkar um hvernig efla megi blaðið og hvernig velunnarar Stéttabar- áttunnar geti best unnið fyrir blaðið. Þessi bæklingur verður eins konar stafakver um uppbyggingu kommúníksk blaðs. Við hvetjum alla sem blaðið styðja til að taka þennan bæk- ling til umræðu og leggja sitt af mörkum til að skapa verka- lýðsstéttinni raunverulegt bar- áttumálagn.

Kjarabaráttunefnd á að vera virkur baráttuhópur ekki vasaútgáfa alþingisnefndar

Ný lög sem sett voru á síðastliðnum vetri um námslán og námsstyrki koma til framkvæmda nú í vetur. Til að afla upplýsinga um þessi mál öll og aðstöðu námsfólks fór tíðindamaður Stéttabaráttunnar á fund Hjördísar Bergsdóttur sem er fulltrúi Myndlista- og handíðaskóla Íslands í Kjarabaráttunefnd íslenskra námsmanna. Kjarabaráttunefnd þessi er skipuð fulltrúum frá eftirtöldum aðilum: Stýrimannaskólanum, Vélaskólanum Háskóla Íslands, Kennaraháskólanum, Myndlista- og handíðaskólanum, Föstruskólanum, Tækniskólanum, Leiklistarskólanum og Fiskvinnsluskólanum. Auk þess eru þar fulltrúar frá lönnemasambandi Íslands og Sambandi íslenskra námsmanna erlendis (SINE).

- Hjördís, hefur forysta Kjarabaráttunefndar leitt til einhvers árangurs í kjarabaráttu námsmanna?

HB: Ég veit ekki hvað skal segja. Það er erfitt að svara þessu svona með fáum orðum. Í fyrsta lagi hefur baráttunefndarinnar beinst gegn seinkun lána og rýrnun þeirra milli ára.

Í öðru lagi hefur nefndin starfað að endurskoðun laganna um námslán og námsstyrki og unnið upp tillögur um endurgreiðslur þeirra.

Það er naumast hægt að tala hér um raunverulegan árangur. Það sem mér finnst kannski einna jákvæðast varðandi fyrri atriðið er sú staðreynd að námsmenn hafa sýnt í verki að þeir geta myndað fjöldasamstöðu til að hrinda verstu árásum ríkisvaldsins.

Með hefðbundinni baráttuaðferð s.s. opnum fundum og dreifibréfum alls konar hefur nefndinni tekist að koma af stað almennri unaræðu meðal námsmanna um kjör sín. Þau eru fyrir neðan allar hellur. Námsmenn geta því aðeins stundað nám sitt að þeir fái námslán til að framfleyta sér yfir skólamánuðina.

Kaupmáttur launa okkar leyfir ekki nema í nokkrum undantekningartilfellum að við spörum af sumartekjum nóg til að lifa af veturinn.

- Hvað hefur Kjarabaráttunefnd gert til að vinna gegn nýju lögunum?

HB: Þar finnst mér okkur aftur á móti hafa mistekist hroðalega. Nú er svo komið að við höfum misst allt úr höndunum á okkur í hendur ríkisvaldsins enda látið okkur nægja að berjast með aðferðum ríkisvaldsins sjálfs. Og það sem við höldum að yrði réttmætt kemur í rauninni harðast niður á okkur sjálfum. Það er ömurlegt að hugsa til þess að þessi óvissa sem alla tíð hefur ríkt um úthlutun lánsfjáris til lánasjóðsins, það að námsmenn hafa þurft að berjast fyrir hverri greiðslu sem ríkis-

valdinu þóknaðist allranáðarsamlegast að láta af hendi rakna, verði til þess að námsmenn finni sig knúna til að koma til móts við það með smíði tillagna sem svo að sjálf sögðu ekkert tillit var tekið til.

Það sem ríkisvaldinu hentaði best úr tillögunum þ.e. a.s. verðtrygginguna tók það upp en gekk algerlega framhjá öðrum atriðum, s.s. 100% brúun umframfjárfarfar.

Ég ált þá hafa verið mistök að færa þannig ríkisvaldinu vopn upp í hendurnar sem það notaði gegn okkur.

Þessar tillögur sem eignaðar eru Stúdentaráði Háskóla Íslands gengu lengra í endurgreiðslum en ríkisvaldið sjálft hafði þorað að ganga á sama tíma. En eftir að þessar tillögur námsmanna eru framkomnar og studdar af námsmönnum hér heima telja ráðamenn sér óhætt að fara af stað.

Sjálf hugmyndin að tengja endurgreiðslurnar tekjum manna er virðingarverð viðleitni til að stuðla að launajöfnuði en tekur ekkert tillit til þeirra bláköldu staðreynda að menntamenn munu krefjast þeim mun hærri launa sem námskuldur þeirra eru meiri. Auk þess getur slíkt kerfi aðeins miðast við ranglátt skattakerfi.

Ég hafna þeirri skoðun sem sett er fram í 4. tbl. Stúdentablaðsins í ár að endurgreiðslu tillaga námsmanna sé ekki málamiðlun við ríkisvaldið heldur gerð til að "benda á réttláta lausn og reyna þannig að vinna fylgjendur jafnréttis og jafnaðar til stuðnings við námsmenn." Í vinnuþlaggi Kjarabaráttunefndar er talað um að gera ríkisstjórninni raunhæft tilboð.

Þetta raunhæfa tilboð, sem átti að tryggja námsmönnum efnahagslegt jafnrétti til náms, tengja námsmannabaráttuna baráttu verkalyðsins og um leið efla skilning námsmanna á félagslegu samhengi sínu, gekk lengra en tilboð ríkis-

stjórnarinnar á sama tíma svo ég fæ ekki séð hvernig hægt er að komast hjá að tala um málamiðlun.

Hræðsla við fjöldabaráttuna

- Hvað viltu segja um starf-ið?

HB: Mér finnst að nefndin hafi verið of upptekin af því að vinna á þingræðislegan hátt með því að senda út ályktanir og dreifibréf í metratáli og miða aðgerðir (aðgerðaleyfi) við þingnefndir. Kjarabaráttunefnd hefur verið of upptekin af því að styggja ekki almenningsálitið, styggja ekki ríkis-



stjórnina og halda því sem þó hafði áunnist.

Við vorum hrædd við það að fara í aðgerðir og afsökuðum okkur gjarnan með því að það væri ekki grundvöllur fyrir á-tökum núna vegna þessa eða hins. Það hefði virkilega þurft að vera aðgerðahópur innan nefndarinnar, sem eingöngu sá um baráttuaðgerðir.

Það má þó enginn skilja gagnrýni mína þannig að ég sé að velta allri ábyrgð á mistökunum yfir á aðra. Þessi mistök voru verk okkar allra en mistök eru til að læra af.

Lögin

- Hvernig telur þú að kjör námsmanna verði eftir nýju lögin, og munu einhverjir hverfa frá námi?

HB: Kjörin verða sjálfsagt þau sömu og hingað til. Ég á ekki von á því að þau batni til muna.

Það fé, sem ríkisvaldið veitir til lána nægir ekki til að brúa 100% umframfjárförf námsmanna og í hvert skipti verður þref og þras að fá það út úr ríkiskassanum, sem sagt er að hafi mörg og stór göt um þessar mundir og leki einhver ósköpin.

Reyndar leiðist mér orðið umframfjárförf þegar fólk rétt mer það að lifa af lánunum.

Ég held ekki að fólk hrökklist frá námi sem er á annað borð byrjað en margir munu sjálfsagt velja sér nám sem er styttra eða gefur af sér háar tekjur þegar út í atvinnu-lífið kemur. Sumir munu ef til vill ekki þora út í nám.

Ríkisvaldið getur hugsanlega notað þessi lög sem hagstjórnartæki með því t.d. að veita meira fé í þær greinar sem það telur gagnýtt nám á hverjum tíma. Og það fer þegar fram nokkurs konar stýring að ofan þar sem verkmenntunarskólar eru.

Þar fá nemendur ekki sömu hvatningu og háskólastúdentar til náms því þeir fá ekki námslán í sama mæli og þeir í Háskólanum. Í verkmenntunarskólum fá kannski síðasti eða tveir síðustu árgangarnir lán aðrir ekkert. Þess utan verður ónóg fjárveiting til uppbyggingar og viðhalds þessara skóla til þess að færri komast að en vilja.

Kjarabaráttunefnd á að vera virkur baráttuhópur

- Hvaða stefnu verður námsmannahreyfingin að taka upp nú til að hrinda árásum ríkisvaldsins?

HB: Það er erfitt að gefa út neina uppskrift að því svona í fljótu bragði.

Mér finnst að við ættum að halda fjöldabaráttunni áfram og efla hana. Koma á viðtækari upplýsingastarfsemi því að það er mjög mikilvægt að allir séu vel heima í þessum málum, en ekki bara nokkrir guðs-útvaldir sem ákvarða síðan eitthvað fyrir fjöldann.

Kjarabaráttunefnd á að vera virkur baráttuhópur en ekki dauð nefnd, vasaútgáfa alþingisnefndar.

Þannig tel ég að baráttu námsmanna geti orðið öflug og árangursrík í framtíðinni.

M.



... í Stuttu máli

NÝJA SJÁLAND: KYNÞÁTTA-KÚGURUM HAMPAÐ.

Gífurlegt atvinnuleysi er í Nýja Sjálandi og ein af aðferðum stjórnarinnar til að hamla gegn því er að takmarka innflutning vinnuafis til landsins. Kommúnistar á Nýja Sjálandi hafa afhjúpað að þessi stefna stjórnarinnar byggir á mismun un eftir litarhætti. "Ölöglegir innflytjendur" frá kyrrahafseyjum mæta mikilli hörku. Þeir eru settir í fangelsi og síðan sendir til baka þaðan sem þeir komu. En hvítir "flóttamenn" frá Rhodesíu og S-Afríku fá alla fyrirgreiðslu sem hugsast getur, og stjórn Nýja Sjálands gerir allt sem í hennar valdi stendur til að örfa þá til að koma með eigin sínar og fjárfestingar til landsins. Nýsjálenskt auðvald hugsar gott til glóðarinnar að fá einhvern hluta fjársjóðanna sem hvítir hafa öðlast með arðráni í Afríku til landsins. En mikil fjöldahreyfing hefur farið af stað í Nýja Sjálandi sem stefnir að því að vernda hina 12 - 15 þúsund "ölöglegu innflytjendur" frá kyrrahafseyjunum en gera kynþáttakúgarana landræka.

ARGENTÍNA: HÆGRI-FASISTAR FREMJA HRYÐJUVERK.

Hægri öfgamenn, sem verndaðir eru af fasískum öflum innan hers Argentínu hafa unnið fáheyrð hryðjuverk gegn vinstri-sinum að undanfögnu. 19-20 ágúst sl. voru 46 manns myrt af hægriöflum. Í smábæ 25 mílur frá Buenos Aires voru 30 manns, bæði konur og karlar þyntuð og síðan skotin með vélbyssu. Á lík þeirra voru fest spjöld sem á stóð: Montenero-kirkjugarðurinn - tekin af lífi fyrir föðurlands-svik. Montenero er nafn á hægara vinstri hóp sem herforingjastjórnin bannaði fyrir nokkrum árum. Annar hópur fórnarlamba fasistanna var tekin af lífi í úthverfum Buens Aires daginn eftir. Voru það amk 16 manns.

BANDARÍKIN: TENGLS CIA OG VERKALÝÐSHREYFING-ARINNAR AFHJÚPUÐ.

Í nýútkominni bók, "The brothers Reuther", eftir fyrrverandi starfsmann UAW (United Auto Workers - samtök bifreiðaiðnaðarverkamanna), Victor Reuther, er flett ofanaf tengslum CIA og AFL-CIO. AFL-CIO er sem kunnugt er heildarsamtök bandarískra verkamanna, einskonar ASÍ-Bandaríkjanna. Victor Reuther er bróðir Walters Reuther er stofnaði UAW og hann hefur um árabíl unnið sem fulltrúi fyrir utanríkisamskipti fyrir félagið. Í bók sinni rekur hann hvernig allt frá 1950 streymdi fé til ýmissa hægriöfna og samtaka innan verkalyðsfélaga víða um heim, þó einkum í Evrópu. Mestar fjárfúlgur fóru til hægri-öfgamanna í Grikklandi, Ítalíu, Frakklandi og Norður-Afríku. Auk AFL-CIO voru Alþjóðasamtök frjálsra verkalyðsfélaga notuð í þessum tilgangi, en þau samtök voru stofnuð af CIA. ASÍ er sem kunnugt er aðili að þessum samtökum, og samkvæmt Birni Jónssyni eru þetta ágætis samtök, en atli Birni finnst CIA ekki ágætis samtök.

Er barnaskólinn menntastofnun eða...

Sífelld kvarnast utan af hinu gamla hlutverki fjölskyldunnar. Upphaflega var fjölskyldan samþæfing við heilt þjóðfélag. Það var á þeim tíma sem fólk lifði saman í hjörðum. Nú er svo komið að helsta hlutverk fjölskyldunnar er að búa til börn því að skóli og fleiri uppeldisstofnanir hafa að töluverðu leiti tekið við því hlutverki fjölskyldunnar að ala börnin upp. Foreldrar afhenda þessum stofnunum börnin sín til geymslu, ýmist allan daginn eða hluta úr degi. Skólanum er falið að kenna börnunum að lesa og skrifa fyrstu árin. Þeim er hrugað saman allt að 30 í einn bekk þannig að árangurinn verður misgöður. Að því er ekki gáð að börn eru misfljót að þroskast andlega, rétt eins og þau eru misfljót að þroskast

líkamlega. En þar sem skilyrðislausri jafnaðarstefnu er fylgt í skólunum skal öllum kennt hið sama. Þannig skulu 10 ára gömul börn læra að lesa og skrifa dönsku. Engu skiftir þó þau séu ennþá illa læs á íslensku. En þessu ráða "menn fyrir sunnan" í ráðuneytinu og engin fær þar neinu um þokað. Skólarnir stefna að því að móta alla í sama mót í stað þess að þroska hæfileika barnanna sjálfstætt. Í rauninni er þessi jafnaðarstefna eða meðalmennskustefna hin mesta ójafnaðarstefna Hún þjónar afturhaldsöflunum og engu öðru. Skólarnir útskrifa fólk sem er varla læst á bók. Ölest fólk verður sennilega mjög þægur vinnukraftur. Það getur ekki lesið Stéttabaráttuna og veit þar af leiðandi ekki jafn vel hvernig það á að berjast

fyrir rétti sínum. Í stað þess að kenna börnunum að lesa eru þau látin föndra við alls konar hluti og búa til drasl sem er til lítills nýtt. Föndrið er jafnvel orðið svo fjarlægt raunveruleikanum að það þarf að leggja fyrir börnin sérstök verkefni til að örva sköpunargleðina. Sum þeirra eru fólgin í því að láta þau sula með liti og búa til "abstrakt" listaverk. En ég hygg að árangurinn af þessum verkefnum verði síst til að auka sköpunargleðina. Látum börnunum í té raunverulegt verkefni þar sem þau geta gert eitthvað til gagns. Lítum á stutta frásögn úr kínverskum skóla: "Hver barnaskóli í Tungchang-sýslu í Kwantung-héraði hefur eigið bú. Í tilraunum til þess að fá meiri uppskeru af sykurreir

tókst nemendum að fá 60 tonna meðaluppskeru af hektara, en mest 270 tonn af hektara. Þetta hefur aukið framleiðsluna á staðnum geysilega. Unglingarnir á áfskékkum stöðum eru hrifnir af jörðinni og vilja yrkja hana og þeir hjálpa við að byggja sósíalískt þjóðfélag jafnhliða því sem þeir ganga í skóla." (Þessi frásögn birtist nýlega í Peking Review.) Ég er hræddur um að bið verði á því að svona nokkuð gerist í íslenskum skólum á sama tíma og verið er að koma í veg fyrir að börn og unglingar geti tekið þátt í haust- og vorönnun með því að lengja skólaárið.

-/Ing. Akureyri.

STÉTTABARÁTTAN RÆÐIR VIÐ LILJU KRISTJÁNSDÓTTUR „Stuðningur verkalyðsfélaganna er okkur nauðsyn“

- Hver var aðdragandi sfs-ustu aðgerða ykkar?

LK: Starfshópurinn var kallaður á fund stjórnar Mjólksamsölunnar skömmu eftir afhendingu listanna, nánar tiltekið þ. 10.9. s.l. Stjórnin sagði það fasta og óhagganlega ákvörðun sína að loka búðunum á tilsettum tíma, og eftir breytinguna myndi mjólkinn fást víðar, því margir kaupmenn hefðu lofað selja mjólk. Þeir tókusem sagt ekki til greina kröfur rúmlega 17 þúsund neytenda, og held ég að það sé varasamt fyrir fólk að treysta á það að dreifing mjólksinnar komist strax í lag, því það tekur tíma að fá leyfi til mjólkursölu, og strangar kröfur þarf að uppfylla. Starfshópurinn krafðist skriflegs svars frá þeim, og barst það skömmu seinna. Þar víður kenna þeir í fyrsta skipti að lögin um mjólkursölu banni MS ekki að selja mjólk.

Í framhaldi af þessu var haldinn félagsfundur í ASB. Þar var samþykkt stuðningsyfirlýsing við kröfur undirskriftalistanna, og var hún send fjölmiðlum. Þá var kosin 5 manna nefnd til stjórnar aðgerðunum gegn lokun mjólkurbúða og samninga í því sambandi. Í framhaldi af þessu var ákveðið að halda borgarafund og kröfugöngu. Þá var verkalyðsfélögum sent bréf þar sem farið var fram á stuðning við aðgerðir þessarar, og var það framhald af bréfi ASÍ til félaganna þess efnis að þau styddu baráttu AS

B.

Allir í 5mannanefndinni skrifuðu undir þetta bréf, þar á meðal Hallveig Einarsdóttir, formaður ASB. Þann sama dag og bréfin voru undirrituð, var haldinn stjórnarfundur í ASB. Þar voru mættar 4 stjórnarconur af 5, og var engin varakona boðuð. Á þessum fundi var borin upp eðlileg tillaga þess efnis að félagið styddi aðgerðirnar á laugardeginum næsta. En formaðurinn ásamt 2 fylgifyiskum sínum voru á móti því, þannig að atkvæðin féllu 3:1. Ég get ekki annað sagt en að mér finnst þetta mjög furðulegt. Það var búið að undirbúa aðgerðirnar í samráði við Hallveigu, og hún átti að tala á fundinum. Hún hringdi í mig og sagði mér hvernig hefði farið. Þá fannst mér allur grundvöllur brostinn fyrir því að hún talaði á fundinum á laugardeginum og tilkynnti ég henni fyrir hönd samstarfshópsins að við óskuðum ekki eftir henni á mælendaskrá. Hún virðist alltaf berjast með atvinnurekandanum í raun og veru, og jafnframt reynir hún eins og hún getur að halda stöðu sinni sem formaður ASB.

En henni fannst sér misboðið og frétti ég að allt væri sett af stað til að eyðileggja og ljúga upp á okkur sem stóðum að aðgerðunum. Lygarnar voru þess efnis að við hefðum frá upphafi bannað henni að tala og unnið að klofningi.

- Er hugsanlegt að hjálpin sem hún fékk sé komin frá "flokki verkalyðsins" þ.e. Alþýðubandalaginu?

LK: Já, en ég vil samt ekki fullyrða neitt um það, en það var undarlegt hvernig þetta fór. Við fengum ekki stuðningsyfirlýsingu við aðgerðirnar frá neinu verkalyðsfélaganna hér í Reykjavík, nema Sókn.

- En hvernig fannst þér aðgerðirnar svo heppnast?


LK: Mjög vel, þrátt fyrir þennan leiðinda klofning sem átti sér stað. Fundinn sóttu um 350 manns.

- Hvað er svo framundan?

LK: Nú, okkur langar til að ná til verkalyðsfélaganna, og við trúum ekki að forystan sé svo rotin að við getum ekki afsannað lygar þær sem upp á okkur hafa verið bornar og fengið þau í lið með okkur. Það verður að koma beinn stuðningur, þ.e. við viljum fá þau til aðgerða. Það hefur varnað okkur gífurlega hvað formaðurinn hefur unnið mikið með atvinnurekandanum, og hefur lagt mikla áherslu á að vinna að atvinnumiðlun kaupmanna. Þessi atvinnumiðlun er aðeins nafnið tómt, og höfum við heyrt margsinnis frá kaupmönnum að þeir ætli að ráða konur til sín í smátíma, en reka þær svo.

- Hvað viltu segja að lokum?

LK: Ég vil segja það að við treystum á að ASÍ sýni okkur virkan stuðning samkvæmt bréfi þeirra til okkar.



Þessi staðgreiðslunóta barst skrifstofu ASB fyrir nokkru frá manni í Mosfellsveit. Fylgdi eftirfarandi saga með nótnni: "Maður þessi fór í kaupfélagið á Brúarlandi og keypti þar mjólk. Það hann um poka undir mjólkina, og fékk hann, en var krafinn um 5 krónur í viðbót fyrir vikið. Maðurinn hváði og spurði hvers vegna hann þyrfti að borga fyrir bréfpoka. Fékk

hann það svar, að það væri svo lág álagning á mjólk að verslun in hefði ekki efni á að gefa poka með henni!" Þetta sýnir okkur berlega hvert stefnir, ef Mjólksamsalan lokar Mjólksbúðunum. Kaupmenn munu þrýsta á um að álagning á mjólk verði hækkuð, og þannig þurfa neytendur að borga herra verð fyrir mjólkina.

Ílla búið að öldruðum

Ég man ekki eftir að Stéttabaráttan hafi nokkrun tíma rætt um málefni aldraðra. Gamla fólkið sem þegar hefur gegnt hlutverki sínu í lífinu er fótum troðið í þessu þjóðfélagi, þjóðfélagi auðkýfinga og gróðabráskara. Tel ég því fulla þörf á að loksins sé þetta mál tekið upp í málgaðni verkalyðsins, Stéttabaráttunni.

Ég hef um nokkurt skeið unnið á einni af geymslustofnunum fyrir gamla fólkið, Elliheimilinu að Grund. Grund er svokölluð sjálfseignarstofnun en í raun rekur Gísli Sigurbjörnsson, forstjóri, heimilið sem sinn einkagróðabíðness. Í samræmi við það er sú þjónusta sem gamla fólkinu er veitt í lágmarki.

Við starfsfólkið höfum flest enga starfsmenntun. Auk þess vinna á mörgum deildum of fáir. Við þúfum því í sveita okkar andlitis til að ljúka mest aðkallandi skyldustörfum en getum lítt sinnt þörfum vistmanna. Hjúkrunarkonur, eða starfsfólk með álíka menntun, hafa við sama vandamál að stríða. Fer því oft svo að öll þau meðöl sem pundað er í gamla fólkið daglega eru afhent okkur og við látin skammta þau. Þó að hjúkrunarfólkið flokki meðölin tel ég þetta fullkomið ábyrgðarleysi sem gæti haft alvarlegar afleiðingar í för með sér. Enda skilst mér að þetta sé brot á lögum.

Hreinlætisáðstöðu á Grund er einnig mjög ábótavant. Sem dæmi ætla ég að taka þann gang sem ég vinn á: Fyrir þau 35-40 gamalmenni sem þar búa eru aðeins tvö salerni. Löggið um hreinlæti á vinnustöðum kveður svo á að fyrir þennan fjölda verkafólks þurfi 3-4 salerni. Í þessu tvö salerni er einnig hellt úr öllum skúringafötum og koppum. Kopparnir og föturnar eru svo þvegin í þeim eina vaski sem á baðherberginu er - þ.e. þeim vaski sem einnig er ætlaður

til handþvottar.

Ekki tekur betra við í eldhúsinu. Engin uppþvottavél er á staðnum og eru því öll leirflát handþvegin. Augljóst er að með þessu móti er ekki hægt að sótthreinsa matarflátin. Þeirri hættu að pestum gjósi upp meðal gamla fólksins sem sérstaklega er næmt fyrir sjúkdómum, er því með þessu móti beinlínis boðið heim. Hafa smitsjúkdómar reyndar lagst á stofnunina oftast en einu sinni.

Það sem ég hef sagt hér um Elliheimilið að Grund er ekkert einsdæmi. Það er illa búið að öldruðum í gjörvöllu þjóðfélaginu. Hinn lági elliðfeyrir og slæm félagsleg þjónusta rekur gamalmenni sem annars eru nokkuð sjálfbjarga til að leita á náðir elliheimilanna. Það sem bífur þeirra á Elliheimilunum eru endalausir dagar, félagsleg einangrun frá öðrum kynslóðum og - því miður oft og tíðum léleg aðhlynniing. En þessi tilhögun er einmitt sú tilhögun sem burgeisarnir hagnast á. Hinu mannúðarlausu auðvaldsþjóðfélagi stendur alveg á sama um gamalt fólk sem þarf jafnvel að eyða áratugum af lífi sínu við þessar illu aðstæður.

Er líf gamla fólksins einskis virði? Í augum peningavaldsins: Nei, gamla fólkið er fyrir peningavaldinu í æðisgengnu gróðakapflaupinu. Peningavaldinu er kvöld af þjóðfélagsþegnum sem ekki lengur geta unnið. Það beitir því öllum hugsanlegum ráðum til að geta einnig grætt á gamla fólkinu.

- Í augum okkar: Jú, þau sem ölu okkur í heiminn, þau sem breyttu órsnaudu bændasamfélaginu á Íslandi í iðnþróað ríki, þau sem þurfa að berjast við sama óvin og við, peningamennina - þau eiga skilið að eiga góða elli.

Starfstúlka.

ÚREINU ÍANNAÐ

Héðan í frá verður að umorða hin fleygu orð Karls Marx - að trúin sé óþum fyrir fólkið - þannig að þau svari til veruleika dagsins í dag. Trúin er eitru fyrir fólkið.

Eins og kunnugt er af fréttum bárust baneitruð efni frá svissneskri efnaverksmiðju í Norður-Ítalíu, nánar tiltekið Seveso, út í umhverfið. Flytja varð alla íbúa af svæðinu. Undanþága var einnig gefin frá ítölsku fóstureyðingarlögnum, þar eð lækmar töldu yfirgnæfandi líkur á að öll börn sem þá voru í móðurviði myndu fæðast meira eða minna vansköpuð.

En fiskimaðurinn í Róm sagði nei. "Deyðing á mannlegu lífi" samrýndist ekki hinna einu, sönnu kaþólsku trú.

Nú hefur það gerst. Þær konur, sem gengust undir vilja páfans og hafa orðið léttari, hafa allar fætt vansköpuð börn.

Mikill er vegur Drottins og náfa hans.

RAGNAR ARNALDS hefur nú upplýst að aðildin að NATO sé réttlætlanleg í þeim ríkjum þar sem hætt á fasisma er yfirvofandi.

Þetta eru merkilegar upplýsingar - sérstaklega fyrir grikki sem fengu að gjalda NATO-aðildarinnar með margra ára fasísku stjórnari.

Orð Ragnars Arnalds eru einnig stórmerk þar sem að niðurstaðan sem draga verður af þeim er sú að borgarastéttin sé ein helsta tryggingin gegn fasismanum. Morgunblaðið skynjaði orð R.A. sem ástaróð til NATO (enda ekki að furða) og fór nokkrum við-

urkenningarorðum um formanninn.

Einum alþýðubandalagsmanni varð að orði er hann las um sögn Moggans um R.A. "Það er gott að einhver er ánægður með hann."

HANNES H. GISSURARSON, hinn óþreytandi and-marxíski krossber, hefur nú tekið til við að mennta unga íhaldsmenn í marxisma. Tilgangur Hannesar er auðvitað sá að herða ungviði borgarastéttarinnar - og útbúa framtíðarstirni Sjálfstæðisflokksins með hæfilega "þekkingu" á marxisma.

Kennsla Hannesar byggir á klókindalegum útrýmning og folsunum - enda eiga andstæðingar marxismans ekki í önnur hús að venda.

Alþýðubandalagið er einnig að bíta við fræðslu af svipuðu sauðahúsi og Hannes H.

Leshringir Heimdallar

Leshringur um kenningu Marx.

Leðbeinandi verður Hannes H. Gissurarson, fundir leshringanna hefjast miðviku dag 6. októ. Hm fundanna verður sem hér segir:

1. Karl Marx og kenning hans. Almennur.
2. Þáttarhyggja (Dialektik).
3. Sögustefna (Historicism).
4. Söguleg efnihyggja (Historical materialism).
5. Sporgunumenn Marx. Tíma og efnis.
6. Kenning Marx miðar.
7. Kenning Marx nú á dögum.

Fundirnir verða með því smá, að einhver þátttakenda hefur framsögu um fundar efnið. Það er síðan rætt í ljósi ymsa kalla í verkum Marx og spurningum hans og reynt að örða einhverja nýja stöðu. Föngun verða þessu tilgangsháðar, þannig að fundirnir eigi henningsþing og efnis og ástæðum. Á fundina Bókakstur í leshringum verður þessi:

Karl Marx og Friedrich Engels. **Úrvals rit 1-2**, útg. Heimskringla. Karl R. Popper. **The Open Society and Its Enemies 1-2**, H. B. Acton. **The Illusion of the Epoch**, en tvö sjáðrenndu ritin eru helstu gagnrýnisverk um kenningu Marx nú á dögum. Reynt verður að öfuga þátttakendum í leshringnum þessar bækur á samlegum kjörum.

Fundir verða háltsmanabartega á mið vikudögum.

Hannes H. Gissurarson

Kjartan G. Kjartansson

Gissurarson, munurinn felst í því að and-marxismi og endurskoðun Alþýðubandalagsins er talin af sumum vera skapandi marxismi. Meira að segja Hannes er haldinn þeirri blekkingu. Margt hefur Marx mátt þola um dagana.

En þrátt fyrir tilburði Hannesar og endurskoðunarsinna Alþýðubandalagsins þá eflist marxisminn um allan heim.

Sú saga gengur manna á meðal í Moskvu, að ekki fyrir löngu hafi Brésneff klætt sig í verkamannaföt til að dulbúa sig, og farið út í verkamannahverfin til að reyna að komast að því hvort hann væri vinsæll meðal alþýðunnar. Hann fór á stóra krá og blandaði sér í hóp verkamanna þar. Það sýndi sig að dulgerfið var gott, og engin þekkti hann. Eftir skemma stund skaut hann inn í samræður verkamannanna:

"Hvernig líkar ykkur svo við félag Brésneff?" Það sló dauðapögn á hópinn, og engin svaraði honum. Hann fór þá að borði annarra verkamanna og spurði þá sömu spurningu sinni. En aftur sló þögn á hópinn. Þannig fór hann borð af borði, og alltaf endurtók sagan sig. En í þann mund sem hann er að fara út úr kránni, vonsvikinn yfir að hafa ekki fengið svar við spurningu sinni, var þikkað í hann, og flóttalegur maður benti honum svo lítið bar á að fylgja sér. Maðurinn fór með Brésneff inn í hliðargötu, þaðan inn í göngstræti, þar inn í port, og út í dimmt horn. Þar hvíslaði hann að Brésneff: "Þú mátt ekki láta það fréttast, en mér líkar ágætlega við Brésneff".

Bandaríkin æsa til stríðs í Kóreu

Í ágústlokreyndu Bandaríkin að koma af stað stríði í Kóreu, og notuðu tré sem tylliástæðu. Forsaga málsins er þessi: Allt frá miðjúsíðastaári hafa Bandaríkin mjög eflt vígbúnað sinn í S-Kóreu. Leppstjórnn Bandaríkjanna í S-Kóreu hefur átt við mikla andstöðu að glíma og alþýða S-Kóreu sameinast til baráttu gegn Pak-klíkunni og bandaríkjamönnum, en sú stefna N-Kóreu að vinna að sameiningu landsins vex óðum fylgi. Alþýða Kóreu veit, að frumskilyrði fyrir sameiningu landsins er, að bandaríska heimsvaldaríkið verði á brot með herafla sinn og landið verði losað undan efnahagslegum kúgunartökum bandarísku heimsvaldastefnunnar. Svar Bandaríkjanna og leppa þeirra er aðeins eitt: Að berja niður með valdi alla móttöðu og auka vígbúnað sinn. Alþýðulýðveldið Kóreu hefur hvað eftir annað fordæmt ögrunaraðgerðir bandaríkjahers við landamæralínuna og hlutlausu beltið sem aðskilur landslutana, og 5. ágúst sl. sendi stjórn alþýðulýðveldisins frá sér tilkynningu þar sem vakin er athygli á því, að Bandaríkin hafa aukið mannafla sinn á landamærunum og flutt þangað fullkomnari hergögn. Látlaus stríðsáróður hefur verið rekin í S-Kóreu, jafnt af Bandaríkjunum sem Pak-klíkunni. Í yfirlýsingu Alþýðulýðveldisins er bent á, að hætti þessum ögrunaraðgerðum ekki taki stjórn N-Kóreu ekki ábyrgð á afleiðingunum. Þessar ögranir náðu hámarki 18 ágúst sl. þegar Bandaríkin sendu mannafla inn á hlutlausu svæðið til að höggva niður tré sem að þeirra sögn skyggði á útsýni þeirra. Þetta gerðu þeir án þess að hafa samráð við landamæraverði N-Kóreu, og öll bar aðgerðin með sér að henni var ætlað að ögra Alþýðulýðveldinu. Í átökum sem fylgdu voru tveir bandarískir foringjar drepnir. Bandaríkin notfærðu sér þennan atburð til stríðsæsinga: Allt herlið þeirra í S-Kóreu var sett í viðbragðsstöðu, mikið magn hergagna var sent til landsins og stóraukin herafla "Sameinuðu Þjóðanna" (les: Bandaríkjanna) í landinu. Pak, forseti S-Kóreu sagði í ræðu að rétt væri að fara með stríði á hendur N-Kóreu. Alþýðulýð-



veldið svaraði með því að senda frá sér yfirlýsingu þar sem atburðurinn var harmaður, en skýrt frá hvernig þetta átti sér stað:

"Þegar öryggisverðir N-Kóreu bentu bandaríkjamönnum á, að þeim væri óheimilt að höggva tréð án samráðs við þá, var ráðist á þá, og exi hent í þá. Þegar þeir vörðu sig var liðs- auki kallaður til af hálfu Bandaríkjanna, sem greinilega hafði verið viðbúin og í för með honum voru ljósmyndarar, svo greinilegt var að úr þessu átti að gera áróðurs- herferð gegn Alþýðulýðveldinu. Exin sem varð bandaríkjamönnum að bana var bandarísk ríkiseign, einþeirra sem þeir komu með með sér."

Í stað þess að atburðurinn væri ræddur við stjórn Alþýðulýðveldisins réðst bandaríkjastjórn gegn því alþjóðlega, og notaði hann til að "sýna afl sitt og hörku". En hversvegna? Jú svarið við því er einfalt: Í fyrsta lagi voru Bandaríkjamenn að sýna veldi sitt fyrir framan alþýðu Kóreu og alls heimsins, og reyna að hrekja það að Vietnamstríðið hefði dregið úr þeim vígtennurnar. En í öðru lagi var þetta kosningabrella hjá Ford, dagsett sama dag og þing republikana í Kansas City. Ford forseti vildi annan "Mayaguez" atburð, en eins og mönnum er í fersku minni öðlaðist Ford miklar vinsældir íhaldsmanna í Bandaríkjunum fyrir innrás sjóliða í Kambodiu til að bjarga Maya-

guez á sínum tíma. Í keppninni um útnefningu sem forsetaefni republikana hafði Reagan ásakað Ford fyrir linkind í garð kommúnista. Harkan í

Kóreu núna er því bersýnilega ætluð til að reka af Ford það slyðruorð. Tréð sem svo umdeilt var, var fellt þann 20 ágúst. Mikill herafli var sendur til að vinna verkið, alls nálægt 1000 manns og fengu þeir vernd frá vopnuðum þyrilum og sprengjuflugvélum, sem voru reiðubúnar til stórárásar á Norður Kóreu. Fjöldi herskipa sigldi með ströndinni og sprengjuflugvélasveitir voru í viðbragðsstöðu. Alþýðulýðveldið Kóreu lýsti því yfir að þeir væru ekki reiðubúnir til að fara í styrjöld út af trénu.

Alþýðulýðveldið skoraði á bandaríkjastjórn að hætta frekari ögrunaraðgerðum, og koma í veg fyrir að svona atburðir endurtækju sig. Þó bandaríkin hafi ekki farið í stríð í Kóreu í ágústlok, að mestu vegna þess að N-Kórea brást ekki við ögrunum eins og þau vonuðu, er ljóst að svo lengi sem Bandaríkin halda 42000 hermönnum með fullkomnu vopni, þ.á.m. Kjarnorkuvopni í Kóreu, og viðhalda óvinsælli fasiskri leppstjórn þar, þarf ekki mikið til að koma að Bandaríkin geri alvöru úr hótunum sínum til að hindra að vilji alþýðu Kóreu um frið, sjálfstæði og sameiningu nái fram að ganga. -/óí


Tillögur Kissingers: Aframhaldandi harðstjórn

Á meðan alþýða Simbabwe, Asanú og Namibíu sameinast óðum í baráttunni gegn harðstjórn kynþáttakúgaranna gera nú vesturveldin og hinn hvíti minnihluti örvæntingarfulla tilraun til að tryggja sér áframhaldandi yfirráð yfir auðlindum þessara landa. Undanfarnar vikur hafa helstu leiðtogar auðjöfranna, með Kissinger utanríkisráðherra Bandaríkjanna og Ian Smith forsætisráðherra Simbabwe (Ródesíu), í broddi fylkingar setið á rökstólum um hvaða aðferð sé þeim vænlegust til árangurs. Þann 25. september sl. birtust niðurstöður þeirra opinberlega. Í samkomulagsdrögunum fólst að ríkisstjórn Smiths öðlist nú loks alþjóðlega viðurkenningu - hins vegar setji helmingur hennar upp svartar grímur. Stefnt verði

að akvartri ríkisstjórn innan tveggja ára.

Gífurleg óánægja er meðal alþýðu Simbabwe með samningana enda fela þeir ekki annað í sér en áframhaldandi harðstjórn. Frelsinhreifingin Zanu hefur lýst því yfir að hún muni halda áfram vopnaðri baráttu gegn fasistastjórninni - blekkingarvefur heimsvaldasinnanna og handbenda þeirra í Simbabwe, hvíttra sem svartra, sé ekki annars verður en vera hunsaður. Og bandamenn hinna kúguðu í Simbabwe eru öflugir, alþýða Asanú og Namibíu berst við hlið þeirra og frelsishreifing alls heimsins styður baráttu þeirra heils hugar. Allt hið illa fengna gull heimsvaldasinnanna nægir ekki gegn bylt-ingarmætti alþýðunnar.

-/HB



Fréttatilkynning frá Azaniunefnd

18.-21. október verða tveir fulltrúar frá þjóðfrelsisfylkingunni PAN AFRICANIST CONGRESS (PAC) í Azanú (S-Afríku) staddir hér á landi. Markmið heimsóknarþeirra er að kynna baráttu alþýðunnar í Azanú gegn Voerster-harðstjórninni, gegn kynþáttastefnu og fasisma hennar og allri heimsvaldastefnu. Að auki munu þeir hvetja til fjárfestinga í Azanú gegn PAC.

Nýstofnuð Azaniunefnd mun gangast fyrir almennum kynningarfundi á baráttunni í Azanú miðvikudaginn 20. okt.

kl. 20,30 í Lindarbæ:

Á dagskrá verða m.a. ávörp, ræða Vuyani Mngaza og baráttusöngvar.

Azaniunefndin hvetur alla and-heimsvaldasinna til að styðja baráttu afrískrar alþýðu og fjölmenna á fundinn. Ennfremur minnir nefndin á fjárfestingunni til PAC og alþýðu Azanú, sem þegar er hafinn. Kjörorð fundarins eru: LIFI BARÁTTAN FYRIR SJÁLFSÁKVÖÐUNARRÉTTI BLÖKKUÞJÓÐA.

SAMSTAÐA MEÐ UNDIRÖK- AÐRI ALÞÝÐU AZANIU.

FULLUR STUÐNINGUR VIÐ PAC.

NIÐUR MEÐ KYNÞÁTTAKÚG- UN OG FASISMA VOERSTER- STJÓRNARINNAR.

Azaniunefndin
Gíró 72200.

Rauða Stjarnan Bókabúð



Mikið úrval af erlendum plötum nýkomið. M.a. norskar, kínverskar, danskar, bandarískar og íslenskar. Auk þess bækur, blöð og tímarit. Sendum ípóstkröfu hvert á land sem er. Verslið við Rauðu Stjörnuna, Lindargötu 15, einu útbreiðslumiðstöð byltingsarinnar á Íslandi.

RAUÐI FÁNINN

Rauði Fáninn er fræðilegt mál- gagn Kommúnistaflokks Íslands m-1. Hann kemur út öreglulega. Í næsta tölublaði sem væntanlegt er á næstunni er m.a. greinarnar um stéttgreininguna.

Áskriftaherferðin

Svæði	Kvóti	50%	100%
Akureyri	25	11	
Egilsstaðir	5		4
Hafnarfjörður	10		7
Húsavík	5		4
Keflavík	10		
Kópavogur	12		
Neskaupsstaður	7		6
Reykjavík	80		73
Suðurland	15		
Vesturland	10		
Norðurland	5		
Austurland	10		
Útlönd	6		
Heildin	200		195

Gerist áskrifendur

Ég óska að gerast áskrifandi að STÉTTABARÁTTUNNI

Frá og með tbl.

- ☐ Baráttuáskrift 3000.- kr. fyrir 24 tbl.
☐ Stuðningsáskrift 2400.- kr. fyrir 24 tbl.
☐ Venjuleg áskrift 1800.- kr. fyrir 24 tbl.

Nafn:

Heimilisfang:

Sendið miðann til STÉTTABARÁTTUNNAR, Pósthóll 1357